



ル 5
3283
2



門 九 5  
號 3283  
卷 2

靖江縣志卷三

輿地志

靖最爾地也兩漢前無考自三國迄前明或  
隸江北或隸江南其間沿革必詳以一隅測  
分野各舊志亦載其大略孤山大江足稱邑  
之名勝定疆界則團沙紀焉興水利則河港  
疏焉堰閘築以土石橋梁徧乎城鄉凡在四  
履之中有可連類以書者志輿地

沿革

昭和十八年  
八月十八日

三國吳赤烏年間馬馱沙漲於揚子江

隋唐時以馬馱沙隸泰州海陵吳陵縣

宋易名陰沙隸泰興

建炎四年岳忠武下令渡百姓於陰沙即此

元仍宋制

明洪武初以馬馱沙隸江陰

其地物產類江南田賦稅畝之入重於揚州故

隸江陰設巡簡司治之仍號馬馱沙

成化七年應天巡撫滕昭奏分江陰之馬馱沙置靖

江縣隸常州府

先是成化三年巡撫高公明以江盜不靖奏設縣丞一員署其地至

是滕公昭始奏立為縣隸常州府以其地屬金陵下流又抗江海門戶捍衛全吳岷然重鎮且以江

海多警乃立故名靖江扼其衝也

靖邑兩沙本以海潮逆江依孤山之麓渟聚成壤

廣陵志謂三國赤烏年間有白馬負土入江而起

此洲明嘉靖三年知縣易幹循行至西沙焦山港

坵處得斷碣其文不續中云此沙為吳大帝牧馬

大沙隔江一洲為牧馬小沙則此土之來遠矣白

馬負土之說恐未可信或方言呼大為馱訛牧為

白遂相傳曰馬馱沙又有馬州驥江驥沙驥渚等

名最後牧城之名較確第沿訛既久省郡志猶稱

馬馱沙云

明知縣陳函輝咏馬馱沙有小引靖自吳大帝時

始成洲相沿立一墩守之成化七年始改縣直可

謂草味建侯耳輝捧檄來是中簡書可畏也瘠土

魁石畚半稷凶窮戶死摻括寡嫗路傍號誅求老  
園康青青子衿子五月猶被褐奉命長島中下車  
增慘怛委吏與乘田何以副審估既愧必子堂敢  
歌召公芟安靖矢素心先祛眾譏聒良族共此庖  
鉛刀效一銛神駒起  
渥洼千里亦騰越

國朝仍明制

大清一統志云岷立大江之中雄  
據滄海之上唇齒京口鎮鎗金陵

咸豐十年隸通州

時髮匪騷擾江南諸郡靖以僻在江北獨獲完善  
大憲因奏明暫隸通州至同治三年郡城克復仍  
屬常州

同治二年科考三年歲科併考府院試均暫隸通州

至五年復舊制

分野

禹貢九州以北距淮東南至於海為揚州周禮吳越  
之分屬星紀元命苞云牽牛流為揚州前漢志謂  
吳地斗分後漢志謂斗十一度至婺女七度一名  
須女為星紀之次吳越分晉志云揚州九江入斗  
一度隋地理志揚州自斗十二度至虛女七度為  
星紀於辰在丑吳越得其分野唐志云揚州為星  
紀之分而淮海之間為吳分魏太史令陳卓據郡

所入宿度則廣陵入斗八度有明清類分野書亦以揚州躔斗宿入氏度經吳分野屬權星乃斗宿七星之四也郡志謂大概可定者次在星紀野在揚州其細度則未詳靖邑從可知矣

按日運歲差辰無移度從來十二次皆漸移而東且一方天星下縮一方州郡中天相照是為分野若北斗權衡與五緯四餘分職互掌益瑣屑難詮姑以俟博物者

明邑人朱得之曰或謂分野之屬其祿祥皆見於大都此彈丸之地未必屑屑不知古之神聖視天地為吾之軀殼視萬物為吾之髮爪視星象風雲即吾之親色聲氣休咎之來莫不由吾寂然之中幾微之際召之也故制為歷象之法傳之後世使之察天時望氛祲勵修省萬世俱知修德改行而

後吾之心始慰是心也即天之心也豈以地之大小異哉况一邑之設等威均備蝗不入境虎北渡河存乎地主特山林野人未究義和之學恍惚璿璣之端不敢附會耳

考唐一行論分野有云以精氣相屬而不係乎方隅旨哉斯言故昂畢在西而應在趙柳宿在南而應在三河斗牛女在北而應在吳越郡志謂星紀之次揚州之野靖亦分繁星餘曜耳前志皆有此條今仍之

### 山川

### 孤山

山岬峙江中欲登山者必方舟而渡厥後江勢徙北山址徙南至前明宏治元年登岸山北俱膏壤距邑可十里周遭可三里形如梭貌東北石壁陡巖高五十丈西半土石相雜石質盡赤中含銀星

山頂常蒸氣出雲竹樹頗鬱茂中有石骨可作盆  
 盎中物山下亂石堆積鉅者至十餘丈層累峻絕  
 俱作蒼蘚色意奇古東側有仙人洞兩石相柱而  
 虛其中可坐數十人後為墜石所掩東南有仙人  
 臺山半西均有寺址址半有張氏墓山未登陸時  
 四面俱有石磯東南磯距山二里許西北距益遠  
 今沒為田田中開池時有露石西十里外巖家港  
 有尖峯透土俗呼為孤山碇山上祠宇梵林僧閣  
 或新或圯詳見寺觀志山嘗  
 稱元山以俗諱孤字故也

躡雲坊

在山前道光二十九年大風雷坊遂傾

得此亭

在山後望江樓之陰今廢有碑存焉

巧人韓思德於同治二年入山助工修理望江樓  
 有工人自頂墜下觀者以為無活理乃隨墜隨起  
 毫無傷損羣驚為神助而助  
 修益力山寺遂煥然一新云  
 明知縣朱勳孤山記余始來視靖輒問所為孤山  
 者而登之山四壁峭絕與大小孤等故名高廣僅  
 里許盤石橫出緣石而上有細徑辟積不異羊腸  
 再折而上數百武有石綽楔顏曰躡雲轉而西有  
 小祠漢壽亭侯像在焉循祠而上路稍夷屋三楹  
 供世尊又折而東有亭供大士轉而上左右為僧  
 寮又上為寺門左右翼以兩廊修楹夾之歷階而  
 上為大殿以奉嶽帝循殿而上亭三楹為憇所余  
 循行周眺山強半屬里中兒朝夕縱斧斤焉四望  
 童如寺亦就圯為之捐難田三十畝贖山歸寺今  
 漸蔚然又捐俸修葺之俾破剝若新乃憇所正當  
 殿若乏登眺於山巔得片地剝為樓登樓見長江  
 如練周遭縣治因題其樓曰環玉而前亭曰晏海  
 蓋余不佞登斯山徘徊久之而竊有慨於中也乃

託墨卿為之記勒之貞珉古者建邑必有鎮靖無  
 鎮止孤山突兀江中日久遂與靖連為鎮焉予穆  
 然以思茲山也豈僅為靖鎮我高皇帝定鼎留都  
 江流奔瀉無已時且密邇東溟島夷出沒其間即  
 萑苻嘯聚甚便則天塹之口當必有砥柱以為之  
 阨隘者意此殆留都之戶牖乎夫留都曷重備  
 也有備無患是故備之勛舊鎮守備之本兵參贊  
 又備之提督操江此三備者皆藉江為險則皆藉  
 江為守其形勢固兩而茲不然近當事者稍設防  
 盜亦稍息驗已略可觀矣倘更立重兵俾此山與  
 復圖上下響接則外可控制江北內可以固江陰  
 藩籬彼諸不軌能飛渡哉斯亦留都東面一大屏  
 蔽也然則有留都不可無靖有靖不可無此山有  
 此山而留都之戶牖如鍵斯下其係重而當為之  
 備何如已書曰申畫郊圻慎固封守以康四海其  
 有備之謂與余不佞既以茲山為事復忘其固陋  
 而為之記識予志也世不乏同志者尚  
 知予記孤山所記不直在孤山而已

元江陰王逢望孤山詩海門窺長江鉅浸天浩淼  
 山根纏坤軸百里見孤杪風披陰霾晝霧洒石黛  
 曉龍來蒼林濕鶴舞白浪杳居然蔽中洲隱若壓  
 外微幽貞水仙態軒昂國上表時時降天人旌旆  
 光縹緲余將展高步兵氣秋見兆嚴霜草不  
 殺悵望翠清梢浮雲非無牽薄暮還來裊  
 明知縣趙應旗孤山岫鎮詩席捲江臯地  
 突兀一峯開登岸憑誰挽莫亦是飛來  
 明知縣陳函輝和王元吉望孤山韻三山不可見  
 所見水天森中有幽人峯靜峙江之杪鶴去小艇  
 橫龍歸夜堂曉扶桑隔日東雲物接茫杏一蠹呼  
 帝靈片巒躡荒微余家西子湖逋翁亦表表梅魂  
 暗浮香姑射烟鬟縵此地符佳名夙夢先為兆素  
 心何敢刊負乘增內悄悄倦鳥翼孤雲獨映嵐光裊  
 又登孤山詩何煩干列嶂仰止一孤岑海閱滄桑  
 眼江消草澤心有田環小渚是野蔭長林無限登  
 臨興高山  
 獨撫琴

明縣丞章商臣登孤山詩孤峯忽自擁平沙下界  
猶連十萬家天壓海門烟霧渺風搏山寺竹松斜  
漁燈明滅綠遙島鮫室參差帶落霞  
絕頂夜深衣袂冷愁看北斗是京華

明江陰王穉登游孤山詩孤島水東西蒹葭澤國  
齊田形周井字山色漢丸泥馬種千金盡雞聲一  
縣啼桃花雖欲看豫恐後人迷  
數仞翠微鍾山門竹影重已無他列嶂惟見一孤峯地瘦僧加鶴

雲生寺有龍江東邱壑近隔水見芙蓉

明泰興宋中丞一馮游孤山詩突兀孤巒巒閬苑宮  
昔傳延令峙為雄峯還北向名空在地轉南來勝

亦同游客虛疑曾地主山靈應識避愚公登臨不盡滄桑感諸阮猶談舊土風

明邑人劉乾孤山吼鎮詩中洲岌業此孤山瀚海  
西來第一關近擬金焦應是侶遠攀瀛丈或堪班

雲崖絕頂看帆少風澗流泉聽水潺一幅丹青天設造玉屏秋冷倚青窠

明邑人劉光濟與覺宇黃明府登孤山燕集詩孤  
峯突兀峙江濤閱世浮生幾陸沈三月鶯花堪載  
酒一時冠蓋此披襟滄波浩渺迷蓬島香界迢迢

遙出梵音不是王喬飛鳥下那能春盡更招尋

明邑人朱得之題孤山詩兀立波濤無際中根盤  
海底戴蒼穹兩儀變化紛紛過一氣升沈默默通

聊補東南坤道缺時瞻西北太微隆

茫茫宇宙閒經理應與崑崙效協恭

明邑人朱大中元峯聳秀詩江流如帶擁芳洲干  
尺層巖控上游峭立削成雄赤壁峻嶒蔚起傲丹

邱蘇痕翠剝龍紋碣雲脚寒生石洞秋

閒上最高峯頂看嵐光海色兩悠悠

明邑人朱家楫偕兆斗王師登山依韻輕紅淺碧  
簇江隄晴旭春山政好躡躡屐並游皆俊秀開筵

行酒錯高低花明遠浦村村爛鳥適疏林欸  
欸啼領取流光須盡醉不妨歸去路冥迷

明邑人尹嘉賓孤山釣月詩孤山一卷石  
東對大江開潮平月可掇好放釣船來



明邑人朱士鯤孤山讌集即席放歌兼以紀氏茲  
山久塵埋今始開面目學海盪其胸文星高其軸  
如彼和氏璞三獻始為玉如彼冀北良一顧便成  
驟茲雖卷石餘五嶽皆堪畜君不見仲昭骨相何  
崢嶸太華四方皆削成子塞風神更峭遠匡廬瀑  
布盡炎琬子遠突兀洵高華赤城天半芙蓉花開  
少風流又倜儻不分天台與雁宕公木本是茲山  
秀姑射仙人冰雪漱余固歷落難為儔太行王屋  
志所求不難眾山一齊攝孤山之主陳太邱胸中  
洞壑自無比筆底烟嵐別樣收吁嗟乎滄桑不可  
常陵谷屢變易從來芥子納須彌豈不泰山輕一  
擲願借茲山齊彭殤化堯桀小鵬鷗大鷗斥一切  
目論何足多崑崙之巔一邱垤與君且  
盡當前酒歷劫由來豈堪一一為君剖  
國朝邑人蕭松齡孤山詩長雲一蕭瑟千里合為  
形攜手荒山杪浩浩野原通嘯歌有遺喟流眺故  
所同昔聞水中央誕登復何功傾仄烟霞外獨立  
荷天公寺老尊碑識饑狐竄鼠宮古佛忘名相髻

螺今碧峯風日曾無託得似雪山中悲涼奈何許  
移飲沃衝風江峯青可晤冥海盪其東斷壁隨形  
勢秀削渺芙蓉帆飛遠不見潮影聽淙淙仙室更  
何年片石下而封此理不可陳細論及洪濛各  
白有所營併心紉風雅孤山一片石可令闕題寫  
理艇須印友草草分杯斝顧子遂西來倉皇為我  
下流眺但及時舍館胡為者翛然十里外清言並  
聊且登高恣遠望大海東南瀉浮雲四飛揚細緼  
同野馬蒼壁削何自苔繡色如赭摩崖書其巔仙  
人有遺舍蕨薇不可求芳草或堪把躊躇立彌久  
秋懷各淡冶山川競名勝荒寒歸  
吾社宵宵千載後游者蓋亦寡  
國朝邑人劉以雅孤山詩寒壯發天和長飈蔚林  
首振策討山脈邱壑胸中有曠覽盪奇懷羣峰等  
培樓宿莽惟雁呼野色棲蒲柳殘碣積雲痕晚鐘  
度石口草木肅眾容霜風翔四牖江流襟帶之日  
自辰而及酉指顧于萬里俯仰識高厚悠悠谷與

陵昏曉不相守至理在目前碌碌誰為受蹉跎天  
地間遷徙日月久今乃生面開藉有脫穎手次第  
名篇出人意氣酣杯酒歌嘯雄一時山  
川自不朽此道難重陳庶待達者剖

國朝邑人鄭忬九日孤山登高詩幾年秋興夢江  
湖此日閑居與轉孤上得小山剛避債吟成一句  
苦催租魚龍水濶連天望鷹隼風高捲地  
呼醉倒自然開口笑笑他醉裏把茱萸  
又偕諸弟登孤山詩春蕪欲盡接江流萬綠平  
原湧翠樓乘興更須窮腳力不知樓已在峯頭  
考段山浮山陳志紀於孤山  
後今隸江陰已久遂不復載

大江

江舊旋繞四週後則西北東北漲連泰興如皋祇  
東南一面汪洋莫測顧岷源萬里會九江注安慶  
東折而環絡金陵復東過孟瀆下而靖以一泥  
丸障之邑中數十萬田俱引江水以資灌溉

明知縣殷雲霄江舫記  
往他往必先涉大江水之行於地者江最巨舟宜  
於江將無不可往殷子作舟濟於江遇漁者則問  
之曰余以巨舟濟尚畏於江今子奈何獨以溝瀆  
之舟日泛洪濤哉漁者笑曰子邑東即大海海之  
大不知其幾千萬倍於江海之舟亦不知其幾倍  
於子之舟皆不足以言大彼乘氣機而浮六合之  
表者將不假於物子知之乎且吾累於口腹故日  
離於風濤然亦取足於漁今子獨何為哉形勞於  
神神弊於謀事求其利職慮其瘵其離於風濤也  
不知其幾倍於吾而顧以危吾且子之邑匪舟也  
民耕桑而足以無求於世今則利爭而情日滋海  
外奇巧浮靡之物日溢於天下窮民之欲而疲其  
力亦惟舟今子復作舟以自侈吾聞子於邑修法  
政而民日稱治子之業蓋止是焉而已矣吾將有  
告於子舟浮物也物之浮也豈足恃哉安危之機  
惟其持之者耳天地之道持之者不變故不壞余  
愛其言可以警余將復有問焉則引其舟而去

明知縣汪王祭江神文嗚呼普天齒髮率土英靈咸維我皇上統御是以格於神人罔不率俾維神維民厥維忠順乃不忝厥職否則自速瘵曠羞及乃類惟我靖邑舊為牧馬沙與沿江諸沙洲若上元之護國儀真之高唐丹徒之當江江陰之護坎泰興之白家等總則奠位中流聚沙成壤土膏地勢實同而供賦則懸絕諸沙洲賦僅比靖之四一而泰興如皋則有百一者民之力也固圉於王法官之徵也亦率乎王章莫能損益然江之漲坍則有鬼神為之司也公正鬼神之德也彼地廣而賦輕此地隘而賦重忠順之道孰居焉瘵曠之責孰任焉君父之慶讓孰加焉責有所歸德有所被而冥冥之英靈顧無所以慮之者謂之忠順可乎夫有瘵曠之跡而不思所以為之改圖者則同類既與為列矣民各安其土以率其分無他慕也然鬼神之賦如羽也為道滄海豕田變如反掌神力之施舉山賦之重者上監猶廣也輕者有上猶無也况無賦乎常

度移無賦之士闕賦重之境則彼此民情同效忠順於無間矣夫民之忠即神之忠民之順即神之順况民感神德思所以為報者惟公惟平惟勤惟儉以昭神貺哉如此則神之仁民之誠將交於無窮也神其忍不聽乎彼諸沙洲之神諒惟從者從助者助相率以效其職無疑也惟神其圖之明知縣陳函輝祭江神文崇禎皇帝九年仲春念有五選序南宮後乘命小臣函輝出宰邑曰靖江隸於常州越在島外比古之附庸國也函輝承簡書以孟夏四月念有七日莅靖江任利涉大川敢告明神於是以前一日將問津焉自今以始函輝職在下走趨謁當事歲不知幾渡皆神休是憑且環邑皆江也旱潦所司臨江可潤高下所宅澄江可依考之四履東至於海靖江之名猶云晏海也海波不揚晏非在海江濤無恙靖豈在江輝幼受詩於先大夫詩言靖共爾位則海宇靖嘉愈有位者之責今聖天子懷柔及河無亦曰爾其求所以靖吾民乎江四瀆之長也江有主者猶之山

崇方岳及其分攝於下邑靖則亦波臣之一隅吏  
 矣江之義取諸公公則悅公則足以服人請師厥  
 公語曰江上之清風臣心如水清也為民父母而  
 虐取民神其吐我矣請師厥清長江天塹以保障  
 我東南其武夫之洗洗哉方茲流氛未洗請師厥  
 武十團各有洲江水灌之干哇如膏其為惠之大  
 矣請師厥惠合武惠公清之四德以質之四瀆之  
 尊楚辭曰使江水兮安流蓋言靖也靖之時義大  
 矣哉肇自一邑以日靖四方於緝熙殫厥心肆其  
 靖之此之謂矣匪殫厥心焉無輕言靖矣輝也茲  
 之陳詞羞藻非敢羞故事於有司也求靖於天求  
 靖於江以為百姓祈福焉而因得請命百神之主  
 亦求無負此靖之一字而  
 已矣神其鑒之庶幾式臨  
 明御史苟安江行詩白浪排空滂驚濤振耳  
 龍行水背雷鼓動江中泛泛波無定迢迢海  
 奇觀今始見  
 亦不負柔蓬

明知縣殷雲霄渡江詩大江渺雪霽波濤生遠風  
 帆帶毘陵雨權馬夷宮清歌綠雲上奔沒駭魚  
 龍冥漠無端倪六幕烟霞空一鳥忽焱舉浩蕩莫  
 與同萬流西南來頽然遂徂東生送千里目海霧  
 何空濛不見蓬萊山焉知浮邱翁乘槎嗟孔聖釣  
 鼇想任公道全俗可遺神往物匪豐終當遺凡蛻  
 無復悲  
 轉蓬  
 又歸帆詩大江混混日西微波喧四圍蒼雲飛芳  
 洲白鷗啼飢苦駕鵝漫逐鵝歸江上行客空復  
 春南北瀕洞昏風塵向人簿書不肯去生徒佔  
 非我真山風簌簌吹寒燈出門海氣天冥冥征雁  
 哀鳴求其侶腸  
 斷歸帆不忍聽  
 明知縣張秉鐸長江匯流詩天河倒徙入江流洗  
 盡東南兩地愁巴雪消來春水急楚雲飛落海門  
 秋星辰聯絡驪珠出樓閣橫空蜃氣浮  
 蘆葦月明聞鐵笛此中原是一仙洲

明知縣趙應旗長江匯流詩江水日東傾

層波遞相續分流繞中洲四壁環青玉

明知縣陳函輝渡江歸驥渚舟次述懷大江狎主

兼有百低頭悔將竹徑都荒蔣聊用蒲鞭暫

效劉見說督郵煩束帶垂綸空羨舊魚鈎

明縣丞韋商臣長江匯流詩孤嶼水中央滄江萬

里長神功從太古灝氣接蒼茫穴靜蛟龍穩塵稀

草樹香十年浮海

夢回首憶滄桑

明陝西孫寓公一元滄江詩千林草樹靜相依來

往尋詩坐釣磯地近青春惟鳥雀夜來新水到柴

扉中原落日愁多夢萬里滄江定不歸

擬向鹿門為地主不妨常着芰荷衣

又與殷近夫放舟江心對月詩挂帆半夜受天風

白幘高歌海月中千古閒情誰領畧一杯今與使

同君

明邑人朱景秋江晚渡詩野木連雲遠

青山隔岸來長江限南北誰是濟川才

明邑人劉乾長江匯流詩水到滄溟是盡頭喜從

衝要匯羣流波濤浩蕩藏龍窟烟雨微茫起層樓

萬棹競開潮漲暮數峯空浸月澄秋

彈丸黑子休言小白是乾坤一上游

明邑人朱家楫觀濤詩百丈潮頭遠接天一來萬

頃森無邊層層作勢奔秋壑滾滾乘風逐晚烟

室恍聞鼙鼓震蜃樓時見雪花旋旋鯨

鯢飛舞浮巔上笑殺蛙游并底泉

明邑人尹嘉賓沙嶼晚渡詩家住馬馱沙

慣從鵝鼻渡江頭酒未醒那怕晚風怒

東海長江東入於海潮汐往來賴其濡潤舊志江

元俞遠海門賓日詩天在海門東復東星移河落

日曠曠三聲雞唱齊州白五色鸞翔弱水紅舟楫

盡登揚子岸衣冠應滿太虛宮寸

心老我傾葵藿扣缶狂歌兩鬢蓬

明知縣趙應旂海門賓日詩東望極蒼茫  
晞微逗赤光一輪暘谷起忽已插扶桑  
明陝西孫寓公一元望海詩絕頂天風吹鬢毛長  
天東去望中遙沙邊烟浪浮珠社島上人家住翠  
鼇萬里閒情窮海岳百年無事只漁樵  
連翩盡日歸來晚看到潮生月已高

疆界

中洲團 在邑境之中其地東界耿公團西界丁墅團  
南界長安團北界孤山中抱邑治及郭外跨

蘇家港至陳公港如三顧  
埭七家村等處皆其所轄

耿公團 以有耿公祠故稱其團在邑之東南隅西界  
中洲團北界孤山東北界永慶團東南及江

盡而

永慶團 以有永慶寺故名是為邑之東北隅境西南  
界耿公團西為孤山北接如皋東南南

自江而北注者曰新港曰天生港曰東天生港白  
江而西注者從臧家港至北朱家港計港與流漕  
凡十有三十團惟此團最大以東北境漸漲而遠  
團地則仍舊析云耳其中地名俱以港稱青龍港  
其最遠者

元山團 舊名孤山團所轄境皆近孤山南界中洲團  
東界永慶團西界丁墅團北界泰興季家市

跨東新及西堀九港地名孤山鎮其最顯  
者餘則有烈女祠王店高賢家村等處

丁墅團 以地名丁墅故團亦稱焉其地東界孤山中  
洲長安團繞其東南西北止太平團北接泰興

從東小港至西水洞港跨港六有龍  
王廟戲魚墩侯家埭陸家港等處

太平團 白前明洪武間有庵名太平故團亦如其稱  
當邑境之西北其東為丁墅團西抵隱山團

南界長安焦山兩團北接泰興自  
水洞港至西之徐家港跨港凡八

隱山團 舊有土山曾以隱稱即以名其團是為邑之西北隅東南俱焦山團界直西江中有三沙而土豐阜近年邑民所告陸十段俱在焉東自韓家港至西童灣港其跨港十有三

焦山團 在邑西南隅其名以焦山港故東南界長安團距邑七里西界隱山團稍南抵江距邑三十里東北界太平團距邑十五里西北界泰興封家小市距邑三十餘里跨焦山港而上繞嚴家港港凡十南江濱有土山高丈餘

長安團 在邑之西南向有長安寺故名其地繞中洲之南至蘇家港口而盡西界焦山團止王都港東北界中洲丁墅太平三團南俱江沿江從東亘西十餘里南北五里跨楊鐵港至蘇家港等處永興團 前明名小沙團即轄西小沙地向懸江中後亦連大沙距邑西南三十餘里稱沃壤設巡

檢於此跨衙前港繆家港等處今劉聞沙漲自泰界江口東至陸座港口統名永興團較永慶團尤大陳志曰先是兩沙中一套水為限至嘉靖己酉套漸漲為平陸兩沙始合為一其地廣袤二百餘里舊志東西百里今東自青龍港之盡至西焦山港之盡約里百三十有奇舊志南北二十五里今扒山北拓境頗遠南北約里三十有奇其四達則東至江陰巫子門海口六十里西至武進橫擔六十五里南至江陰君山麓四十里北至泰興沙河埠二十五里其四隅則東南繇蠡港對江陰之蔡家港五十里西南繇孤山港對如皋之石莊七十里西北繇展蘇港對泰興之新河五十里舊與泰興亦一江相隔今已接壤為康莊其正北漸與如皋聯比境內疆域延散民居互遷無恒業因遂畫之以團

洪沙 在小沙團西坳沒

復土沙 在小沙團西北

鶴洲沙 在邑之正南懸江中形似鶴故名與江陰君山相對橫三里縱七里

暗沙 在鶴洲沙之東隱江中長十餘里

砥柱沙 在鶴洲沙西北連大沙

崇讓沙 在邑之極東懸海口與青龍港相望上有段山亦稱蝦蟆山舊隸靖後割隸於常熟朱侯

勲作記勒石於段山之陽

明知縣朱勲崇讓沙記往都太僕嘗志靖矣靖之沙凡十江緣海禱土脉烏鹵止饒廣薦草莽而已聖治日大以蕃生齒漸經相依汚邪為命純皇帝朝始保聚而封殖之雉堞廬井歲時伏蜡民用以和維是諸沙環錯東西陞所利賴公私至亟屬波臣之不恬隰臬崩陀桑田滄海之蹟未易更僕數

而民始患彫劫矣物窮則攬肆為侵牟每一沙漲則大豪宿猾人人睨段正黃緣為姦視精厚薄上下其手前陞者與後陞者往往角而交鬪故靖之簿書訟獄爭灘居十之七其既期而始復者即今所稱崇讓沙也以其東接段山舊名段頭沙當事者懼民之有爭心迺易今名又立法綱紀之沙分二十段段署一人分曹設版官司用印鈐識彼此先後劃然有據公私之藉無所異同雖百禩可覆視也所為便遵守息憤囂法綦密矣不穀承乏此邦思紓我躬之恫瘝而躋民於雍睦會沙事告竣諸父老合詞請記曰止讓足訓也不穀曰若讓云何脫衣就功首茅蒲身襚袂非有縞收端昂轉紳綦偪之為佩服也擊藁待時挾槍刈擗鏹以從事非有透迤周旋偃僂躡躡之為容止也晝田夜約終歲所獲半入子錢家又無能割滂遐舍折券棄責以為豪舉也若讓云何諸父老曰豈當事者之以讓讓為虞芮交訟入周界而趾逡巡不敢前曰吾



所爭周人所恥故言讓無若舜文之世然舜命禹敷土則賦抑何井井也蓋均無貧和無寡安無傾假無言時靡有爭終之曰自天降康豐年穰穰此崇讓之旨也甚矣當事者之大造於爾氓也春秋邢侯與離子爭田至絕親以買直三姦同罪侯是以逋范宣子與和大夫爭田欲攻之微家老皆私幾無以相晉國而亢隰叔子之宗故禍莫烈於自利釁莫慘於攘人若世為吳氓未稔吳乘耶吳之先太伯以至德讓天下偕其弟仲雍庸次比耦以芟殺四方之蓬蒿以立名於荆楚十九世延陵季子讓國諸樊吳人強之棄其官而耕讓所浸漬非昕夕矣若猶未嘗挹馨香而注其肺腑耶嗣後二女爭桑鬪其邑長於是公子光有居巢鍾離之役此吳之已事可鑒已今皇上久道成化禮讓雲蒸業已漂虞蕩周稱極治若屬冥頑不逞躡躅隴陌間縱溝壑之念以為爾勾吳羞是又廢先王之教而衡上命也孰是冠履而尸其土罪其可辭願

邀惠爾眾靖之沙有大江在焉母或句奪母或陰附母或沐髮而指影世有盟誓以相信也余庶幾藉手報萬一哉諸父老復稽首合詞而謝曰不腆敝邑實惟君侯寵綏之敢不永承懇承之無斃於是次其語而托石於段山之陽

陳志曰邑外舊有十洲自東繞南達西聯絡起伏或大或小曰麴條沙曰東開沙曰尹家沙曰官沙曰段頭沙曰南沙曰西小沙曰孫家沙曰新沙曰團沙其西小沙即小沙團所轄者是而鶴洲沙洪沙復土沙俱附焉若尹家沙官沙麴條沙侵於他邑易名且久矣其孫家沙即稱復土團沙即稱洪沙新沙即稱三沙段頭沙即稱崇讓南沙即稱鶴洲皆以坍而復漲故改稱云邑遺老朱家棊曰邑環水而國其四履滄桑變遷不常則今昔不必盡同也邑之故土邑西南二十五里邑東南三里江水限焉俗名曰淡是曰西沙淡之東北三十二里而抵於江至嘉靖間始合為

一壤是曰東沙此邑東西沙六十里之制所由定也其南北皆距江十里許邑之外附者一曰南沙亦曰鶴洲一曰西小沙藐焉撮土耳邑之舊疆若是止矣舊志所載道里之遠則借之水程也乃今東北拓地二十餘里蓋邑之幅員益增而廣矣雖然未足恃也大約江水剽疾之勢最為土地患也嘗溯邑舊勢少殺而未甚今則合流而歸於南也嘗溯邑舊域南可十里而今不及五里南舊境十分不能存一今固一面而三面獨當其衝擊其能久而不潰乎故愚以為方今日拓之勝或啟將來日蹙之患也為賦役之計者不可不豫憂其所終矣

國朝新增沙名

天福沙 在邑之南朔沒

新開沙 在邑之南朔沒

自來沙 在邑之南朔沒

康莊沙 在邑之南朔沒

永豐沙 在邑之南朔沒

劉聞沙 在邑之極西嘉慶四年突起江心以磨盤沙名歸劉聞段告陞二千四百畝此外漲灘召

變至道光十四年與泰興連成洲接壤有界河以限之西起自蜘蛛沙陸續漲過邑城連老岸而東段名數十統名劉聞沙承買各業戶墾田約二十萬畝有奇嗣後漲連如皋南江口疆界可復其舊

水利

團河

邑之水利其支分者曰港會通者曰河蓋靖邑平衍如席環四履無不耕之士士高阜宜菽者什之

三卑下宜禾者什之七其旱澇蓄洩之宜全資之  
 港港與港相距每里許頗為均停第其身有廣狹  
 蓄有淺深注有遠近水利之通塞因之自西北一  
 帶接壤維揚沙起水湧外者不入內者不出昔年  
 膏沃半作污萊舊志詳載團河之議其利有八免  
 江潮之衝沒一過海寇之長驅二備旱澇之蓄洩  
 三輕輸運之負戴四可以招商土產不至於坐費  
 五可以引灌飛沙不至於荒蕪六夏之桔槔無候  
 潮之爭七冬之疏濬無每歲之役八顧聚訟百年  
 迄無成書崇禎元年葉侯柱國有志而未逮至崇  
 禎十一年陳侯函輝始審天時酌地利排眾議合  
 僉謀鳩工開濬一曰如式疏挑廣五丈深一丈五  
 尺二日照畝派役自某港起至某港止該河若干  
 丈河南北若干段共田若干畝每畝派河若干尺  
 畫地認開無容躲閃三曰委任責成團保分率人  
 夫辰集西散四曰築壩儲蓄各港口二三里築壩  
 十餘丈低岸數尺五曰設閘啟閉東門東山閘西  
 門寒山閘小沙平山閘六曰疏港通團連絡十團

故名團河各港仍開濬如式七日設夫看守開夫  
 四名長二名壩夫二名長一名八日增勝固本縣  
 後卑薄疏玉帶河築玉壘岡因大興畚鍤各子來  
 恐後向年見沒龜坼之地仍為沃壤萬世之利兩  
 月報竣

團河者取其連絡各團環團兼濟之義也河有幹  
 有支幹母支子子母灌輸而水道以備其形勢東  
 自青龍港紆而北繞孤山之麓繇巽河以達於城  
 濠近城濠三里許為蘇家港縣之下臂易於洩水  
 置石閘以障之閘名東山城濠之西南舊有灤港  
 通江為運道更置一閘以通潮汐閘名寒山從此  
 紆而西六七里開支河折而北通于婆港更直西  
 四十餘里至隱山團鎮海市等處達界河隱山團  
 地藏殿而北通泰興姜溪河鎮海市之北又濬一  
 支河以通朱東港其南則為江南北孔道繇小沙  
 團繆宗港以達於江近江六七里又置一閘以防  
 尾閘之洩閘名平山三閘費約二千餘金出自俸

緩公帑不派民間一緡又有諸壩以捍外衛內潮  
團接壤泰興處西北二十餘里又畫界

明知縣葉柱國阜民河記阜民河者自縣北以達  
於東西兩鄉如環如帶豁達旁通為四方節宣無

滯之河也邑為大海一丸泥八面洪濤吼然孤峙  
曾無陂塘瀦涯以收地脈而蓄迴波地志有之水

勢聚則地脈固而發靈長民生由此而阜府庫由  
此而充禮樂人文由此而盛熾斯河之有神於邑

治也尚矣予不敏自滇南來莅此邦始至則旱魃  
為災既而又遇天吳為虐秋復屢遭海颶漂灑民

居吞赤幾成昏墊余也涕泣上訴議賑貸議寬租  
捐餘俸不及典衣貲以佐之乳哺鞠全鳴雁嗷嗷

始究安宅蝗蝻螟螣之災早夜動勸不遺餘力蓋  
三年如一日焉於是乎秋滿民始油油然有南山

樂只之思而開河之議起矣河議始開邑之父老  
子弟千百其羣匍匐堂皇而挾冊以請詢謀或同

無二心也予乃擢然而思四顧躊躇而丁甯以告  
曰興大利必有怨不曰非常之原黎民懼乎不

曰安土重遷有誅鋤草茅以卜居乎不曰撬輦一  
施即有已成之邱隴得無破一坏而翻白骨乎語

畢民情愈奮而父老之請愈堅用是移申撫按不  
啻數千言令下乃輟輿寡從偕邑之縉紳先生揆

地之形相水之勢始竭蹶以從事有民舍則昂值  
而倍償有宅兆則紆迴而讓避環河首尾計亘九

十餘里派於田畝者每畝三釐予亦捐廉直二百  
訖四月晦而工告成父老子弟乃欣欣然舉喜色

禦江潮之泛濫可以免轉輸之勞瘁可以遏寇盜  
之馳驅可以招商土產不窮於居積可以引灌田

野不至於荒蕪夏日桔槔不必候潮之爭曩秋來  
疏濬無煩每歲之興工蓋一舉而眾善隨之豈曰

予之茂民實上臺嘉與之德也實鄉大夫之助也  
 實好義終事之民之力也皇天后土實式賴之豈  
 曰小補之哉茲首其事者若而人董其成者若而  
 人及同時倡義者某某柱國既題名以勒諸貞珉  
 而復為之詞以示來茲歌曰皇明憲廟當入載始  
 列職方分縣宰居然海島一扶輿土俗民風多可  
 採八十七港如星羅爾時尙未遑開河濬賦滄川  
 今日始仰觀俯察開江沱佚道使民民鼓舞悉民  
 荷鍤余負弩子來經始不日成瓠子宣房甯足數  
 百道滌迴春浩蕩麗擲鯨呿總無恙從今水旱絕  
 菑侵汚邪盡可成督亢丈夫意氣吐虹霓此河大  
 海一涔蹄祇役仰承歌帝力他年莫號葉公堤  
 陳侯函輝開團河靖議樞有小引管子水地一篇  
 行文奇蔚而終之曰聖人之治於世也不人告也  
 不戶說也其樞在水識者謂其寬衍直致只如疏  
 義實有餘而虛不足然是千古水庸之祖也今得  
 專治一區地方便宜孰有過於疏鑿者然因之通  
 風氣廣孳息而且以培發文明則借樞之一言為

小邑粉繡亦非敢自居於僭匡也作靖議樞曰余  
 治靖而始知靖也靖邑控江表海潮往來可俱  
 滋潤江流環繞足備灌濡涸則可引以入盈則可  
 導而出宜乎無憂旱澇矣余自下車後遇旱者三  
 遇澇者再深為國計民生蹙額因披縣志詳覽港  
 制利病之源前人論之詳矣一曰團河宜開也一  
 曰城濠宜廣也一曰各港宜疏也一曰通江宜壩  
 也一曰水口宜閘也隨時蓄洩潦既可避旱又得  
 溉兩利而俱存之不必每歲費疏挑之功且也舟  
 楫可行凡東作西成與夫輸糧運租皆可免負戴  
 於道路其為利賴世享其澤當今歲晏值蝗殘之  
 後有收者尙稍稍有餘無收者亦可借以度食度  
 數以田分役以力貧富均等累無偏重有田者從  
 田無田者從佃佃人自飯自挑其土已經廣詢博  
 採大眾咸稱曰便猶恐愚而悍  
 者不喻吾意故不厭此煩詞耳  
 又江外河功成記水利曰在天地方能用海善因河者  
 之善因江者能用江善因海善因河者

能用河夫江海與河天下之三浸也用之則為利不用則為害用之不本於所因則利亦為害因之不違於所用則害可還返為利然用江者不用其清淖用其剝疾用海者不用其瀾汪用其汰鹵用河者不用其濼澗用其險怒所謂不食其利而誤噎其害者也懲噎者將遂廢食乎夫以商鞅李斯之密而不能用漳水用之者惟吳起功建有其時機逢智不能用漳水用之者惟吳起功建有其時機逢有其會也周官營溝行水之制浚導儲蓄各有司故以方井之地四尺為溝八尺為洫二尋為澮皆斥棄膏腴盡捐賦歛以與民其利漢之京師少府自總禁池水衡自掌林苑都水自行三輔太常自領巴渠其間郡國陂湖碁置林立二千石長吏各自以便宜濟事如文翁召信臣王景烏臻之徒經樹之蹟動垂不朽初不假重於廊廟也後世如熙豐之政責成使命鑿空尋訪行之一路則一路擾行之諸道則諸道擾東坡先生至謂朝廷本無一事何苦如此然後知輪橋鮮水廬江鏡湖之蹟

畜夫亭長之勸勤有過於詔令之切囑者彼徒見之空言而此則微諸實事也靖之為邑控江之尾扼海之喉又孟河從而匯焉外宅三大浸而內派七十二港其幹豐者其枝不弱其潔清者其災易澹然說者曰港身太狹也港蓄太薄也港流太分也港派太近也譬之人身資門臆中升降不靈則任督之交蹻命之會必有受其病者故中滿者可以運錘而去也外塞者可以爬梳而通也河有十團團者圓也顧名思義義取迴環為之伐菱蘆為之墾沙礫為之分源派為之拒濁沮而其最便者曰佃給力主給符家自為政則無匿人自為傭則無諉乘農之隙僱眾之協功成矣而其最急者曰水入之櫃立壩宜堅水發之囊設閘宜緻深息而涓舍束筋而平衡水樞之中蓋寓一邑泰象焉先是靖無濠至是復隍有恃靖無梁至是虹彩下飲靖無舟至是好事之家伐木蘭曳青雀高人書畫之舫釣徒楸頭之船皆翩鳧而集雁乃張水嬉迎賓客置酒河之干而落之其歌曰陞山駢石不可

得泉竟葦莽雀用力殊艱此實澤國五沙易瀦纏  
土若糠吐穢如涎承弊勸力灑惡柔堅道室王器  
繫此涓涓內度既適茂華以宣慶忌螭龍來宅深  
淵藻香鬱淳膏黍油濺升為文明釀為豐年七尺  
之施視我瀆田新濬荒度利

用弗涇歌罷遂書之為記  
又開團河七十二港成時水道久淹蟬後民無食  
以云救也春仲策蹇觀厥成喜而有賦桑田斷岸  
已成燒七十二堤誰下焚吏小憂深瓠子國春殘  
步出杏花郊以鄰為壑道非貊微禹其魚吾豈匏  
不用元圭煩帝錫治河臣亦代君庖 頗慮新畬  
奏柞芟河渠書亦係民巖公田盡種有收穉小艇  
都張無恙帆頌夏祇歌明德遠敦商應紀厥

功咸一冬鏞錡供荒食黃葉兒啼且救饑  
又河干舟行得二首寄彥方令則一笑檜小無譏  
政亦燒下泉興歎到寒菱中原戰苦皆空壘此地  
春深豈樂郊封比木奴干樹橘唱聞漁父八音匏  
伐檀河水思君子一割鉛刀取俗庖 野田蔓草

未能芟避俗甯須置壑巖絕塞風烟驚半壁長江  
雪浪點孤帆憂時有句稱臣甫作達何人許阿咸  
多病比來瓶粟盡  
不將疑義救清饑

國朝知縣胡必蕃開濬團河記周禮遂人掌野匠  
人治溝凡明洫溝澮疏濬以時俾蓄洩有資而災  
祲無慮古人設官專重乎此良有以也靖肇基於  
水利亦在水自建邑以來令茲土者率以能治水  
稱賢且材按舊籍邑幅員廣袤二百餘里居民互  
遷無恒業遂畫之以為團團凡十而河則聯絡環  
繞與團有兼濟之義故曰團河邑城關為中洲團  
自中洲團而東為耿公團元山團永慶團自中洲  
團而西為長安團太平團丁野團隱山團焦山團  
永興團各港分隸於團有專屬皆得引江流以資  
灌溉備旱勞其為利也甚溥是河經而港緯流通  
貫注交相為用者也創始於有明滇南葉公柱國  
繼成於臨海陳公函輝踵其事而修之者則為今  
銓部建安鄭公重予已未謁選都門筭補茲邑鄭

公為予言團河及各港之利弊甚悉迨菊月下車首詢民之疾苦邑之父老子弟咸稽首而前曰靖民之所賴者惟水利是興奈團河壅塞各港不通十餘年矣前此議開議浚總成築舍蓋慮始樂成古今同病豪強憚勞惜費官役休戚不關連年水旱災傷以致民鮮粒食望公新政首興水利俾蓋洩得其宜旱澇無所苦斯澤在數世不僅一時之利也予曰前人之經畫備矣然政無久而不做吾將拓前人之制而疏之導之使淺者深狹者廣潮汐之水引以入田爾民無復以旱為憂也且靖與泰興接壤泰高而靖窪勢不得不以靖為壑各港疏滌即洪波怒濤亦自高趨下以江海為歸爾民無復以澇為患也因於首冬之月移申各憲隨出示勸諭矜民計畝分工畫定丈尺插立木樛明示應濬姓名使貧富適均其貧而無力者捐俸助之四鄉居民一聞浚期踴躍爭先荷鍤如雲執鋤如雨先疏城濠次及團河東西沙綿亘七十餘里計長一萬二千二百四十八丈而各港之分隸於各團

者多寡不同大小亦別不可以丈尺計悉如上法行之自已未冬十月二十四日興工迄庚申春三月二十八日報竣祇見曩之求水而水不到者今則舟楫可通譬人之一身痼疾既除血脈周流百節俱靈其為暢快可勝言哉邑之父老子弟羣相鼓舞樂成請勒石以垂不朽噫此利在民也民不能自為利而必待利於有司余不過因民之利利之而已何功之有哉是役也不費一帑因民之利利除十餘年之大患用十餘萬之夫工如神輸鬼運告成於五閱月之內此雖有司牧民之職應爾而丞莊公珍尉王公茂琚督率勤勞與十團鄉耆高國柱吳粲劉士卓吳吉士孫自宗侯士璿蘇國臣劉士華高大昇等鼓勵子來亦可嘉尚也乃徇父老子弟之請而援筆記之以為後之君子勸焉自胡侯濬團河後不知何年歸於貳尹崑司每年仲春書役催令各團地保繳紙價費開河之工遂罷嘉慶十二年邑人朱公勳捐貲以濬咸豐二年齊侯在鎔大濬之然東團河則以近江易塞是所



賴於復  
濬者

**市河** 在縣城內與外濠相表裏所以鍾水蓄秀利民

市河亦為民積歲填塞且架屋其上不可置鍬遂  
有出郭取汲者故城之高厚與河之深廣皆宜明  
著其數使不得侵減焉城高一丈八尺市河廣一丈六

尺深一丈明嘉靖間江侯玉開東關市河萬曆時  
朱侯勳開西關市河崇禎間唐侯堯俞宴侯益明  
先後浚治至十年陳侯函輝周詳

經理畚鍤雲集而靖始有水利矣  
國朝邑諸生鄒隆祥曰市河有經有支其經者由  
西水關過泮池直達東水關其支者由新街南折

而西繞常餘倉從新街北折而西繞縣治儒學之  
北又南圍轉學西仍達直河其北東則抵養濟院  
舊志廣一丈六尺深一丈今皆為民填塞廣不及  
數尺如行潦然蓋靖地隘而貴故值百金城中聯

甕接溜無尺寸之隙且一切官街市河皆有糧稅  
夫地貴則民不能棄稅完則官不得問奚怪乎市  
河之易淤塞也惟豁其糧稅而地

**外濠** 在外城腳迴抱週城面濶  
六丈五尺深一丈八尺

**太平河** 舊在城南迎恩亭之西通濶港 國朝嘉慶  
十八年江潮塌至三茅宮橋咸豐二年通江

**安段下  
官堤河**

**巽河** 在城東南巽方內通市河自城濠通蘇家港前  
明萬曆九年單侯文盛濬 國朝嘉慶十八年

江坍至迎春橋外巽河僅有存者咸豐二年南沙  
接漲老岸石堤為江安段田齊侯在鎔以葉訓導  
堯奠精堪輿術借之相度繞向東  
南濬之有九曲形達於十一圍港

**運河** 在城西南  
通濶港

玉帶河 在城北玉壘岡下自西尤家橋北通郭家橋南折壇西以達宣家橋橫橋等處環護縣後

康熙七年鄭侯重大濬之咸豐二年齊侯在鎔復濬

沙泥河 在玉帶河北自魚浦港達東團河

界河 在焦隱兩團靖泰接壤處自西而東廣延二十餘里陳侯函輝因舊址更深廣之

按靖泰相接之始爭界數年上臺命揚常二府之佐親履界間分之弗能定也唐侯堯俞至惻然曰君子不以所養人者害人相爭何時已乎稍讓則止矣遂定界河漸東則折而南者主讓故也然是時界河以東猶未全漲至陳侯時東漲直接如泉靖泰復爭殺傷頗多陳侯又以季家市地數百頃歸泰而爭乃息

明知縣陳函輝請濬界河申文議為廣濬界河豫邊寇路以固疆圉以鎮人心事靖邑一丸襟江帶

海平疇百里隸常備揚其君子雅尚于三世人力於稼穡承平日久枹鼓不驚雖設兵營亦防禦目今流氛日惡勢已震鄰憲檄頻頒宜嚴守除飭保甲練鄉兵選壯丁稽奸細製火器以備不虞本職再思城邑堂奧郊坵藩籬皆難則堂奧自固故諸侯守在一城卑之其卑猶在四境不守而專恃一城卑之不獲守於何自則本邑土民上下川原周遭諦視行至西沙地方無復長江巨防限帶封域上有蛛絲馬跡同富址大約延袤可三十里許其迤南一帶有水者可通舟楫迤北一帶無水者可行車馬利於商議當於有水處溝之使深無水處因勢利導引潮而入即有成渠仍以前所掘之士壘而成墩濬深益高又有永定營哨官一員官兵百人相距數武可著本官統領各兵稍為設處糧餉且屯且練資以火炮器械以益守望卑縣向申條陳欵內原擬於農

隙舉行不惟可脩防禦且兼可施灌溉此概縣之所樂從而亦便民一實政也今賊勢已迫不容少緩廣漠平衍來無所格深之以為靖邑外蔽泰輿聲援計無便於此者第事關慮始役動大眾非稟憲檄批示施行莫知遵守所有開濬挑築事宜則在列欵中矣

又偶到界河有感詩界為岳忠武徙陰沙故地時北騎深入兼聞督師戰歿陰沙舊戍盡飛灰一望閒田半草萊大將靈旗方北指敵人戰馬正南來中原共洒新亭淚江左誰稱管子才空有出師前後表幾將長劍洗龍堆

官堤河 白瀾港而東通巽河國朝咸豐二年齊侯在鎔始濬之

瀾港 城西南北通泰興南通八圍港入江 半條港 即瀾港之尾

蘇家港 城東南北通泰興南通十圍港入江

右三港隸中洲團

西雙港 東雙港

蟛蜞港 天生港

天生汶港 犁牛港

陸座港

右七港隸耿公團

臧家港 安甯港 東南三十餘里

龍潭港 邑之正東 青龍港 邑之東北

盧金港 太平港

夏仕港

北通如皋南通安甯港入江

塌港

與天生港通

右八港隸永慶團

孤山港

孤山之麓

亮港

葉家港

柏家港

北通泰興南通天生港入江

盧家港

即流水港

石碇港

北通泰興南通彭蠡港入江

支家港

北新港

掘港

小港

右十港隸元山團

漁浦港

舊名于婆港

廟樹港

北通泰興南通瀾港

顧客港

曹家港

水洞港

陳志收集福河

右五港隸丁墅團

蔡家港

北通泰興南通陳公港

嚴家港

小水洞港

祁家港

小港

楊鐵港

范家港

小祿港

展蘇港

徐家港

右十港隸太平團

童灣港

三水洞港

南小水洞港

唐鐵港

小新港

張方港

朱東港

陳灣港

繆莊港

申家港

劉家港

大新港

毛莊港

韓家港

右十有四港隸隱山團

齊港

小夾港

楊奇港

北通團河南  
通美仁港

奇汊港

奇小汊港

焦山港

橫渡港

王都港

北通團河南  
通二圍港入江

東汊港

西汊港

釣臺港

減水港

右十有二港隸焦山團

東天港

北通團河南  
通七圍港入江

西天港

陳公港

北通蔡家港南  
通六圍港入江

丁家港

東邱港

中邱港

西邱港 北通團河南  
通下四圍港

西小新港

東小新港

蘆場港

小汊港

北通團河南  
通三圍港

右十有一港隸長安團

繆宗港

北通團河南  
通火汊港

韓宗港

觀音港

大港

丁仁港

太平港

北通團河南  
通夾港入江

夾黃港

劉公港

北小港

橫沙

西新港

橫沙

李賢港

北通團河南  
通穿心港夾港

朱八港

朱松港

馬六港

右十有四港隸永興團

老莊港

馬港

官路港

北亮港

右四港隸鶴洲沙埭沒

界港

北通鄂家港  
東為界河

青龍港

北通利濟港

九圍港

北通丁墅港

夾港

北通太平港

穿心港

北通太平港

火汊港

北通繆宗港

美仁港北通楊奇港

上四圍港北通衙前港

上五圍港

上六圍港

頭圍港

二圍港北通王都港

三圍港北通小漢港

下四圍港北通西邱港

五圍港北通東邱港

下六圍港北通陳公港

七圍港北通東天港

八圍港北通瀾港

下九圍港

十圍港北通蘇家港

十一圍港北通蘇家港

十二圍港

十三圍港

右二十有三港隸劉聞沙各段通江

邑之港制凡闊三丈六尺深一丈六尺陳志以前舊志載一百有六有坍去而僅存其名者有新漲所湮未有名稱者後只存九十有五即今傳於人口者猶七十有二自北江漲塞而在北之港不復如舊矣國朝沿江築馬路以便行騎於是小港盡塞大者跨以平橋謂之馬橋南港亦不如舊乾隆四十六年被風潮後各港坍入江者十餘里道光十四年劉聞沙漲連老岸新增諸港俱土人名之

陳志曰按諸港皆引江流以資灌溉備旱澇其為利也溥矣然或有港而不能受潮或有潮而不能入港各鄉無舟楫之利城濠無洪洞之觀靖實居水之中而不能受水之利其故何也曰港身狹也港蓄淺也港派近也港流分也團河成則狹可使廣淺可使深近可使遠分可使合舊志所載團河

之利鑿鑿不誣葉侯柱國始其事而未觀厥成陳  
 侯繼之以大興畚鍤度數以田分役以力天假以時  
 地假以利萬世永賴兩月告成向者汚邪之地悉  
 成膏腴負戴之途盡通舟楫抑且復墮有恃虹采  
 高騫土喜風氣之團農切登豐之慶藪爾江皋無  
 殊江南大邑矣惟是團河之利數聞而外全在  
 港一壩蓋清血脈貫通永無障蔽乃靖邑見小忘  
 河水江潮如血脈貫通永無障蔽乃靖邑見小忘  
 大狃近遺遠議濬之初多撓其成成功之後咸資  
 其利而或爭咫尺之利私攤河塹競畧刻之便擅  
 啟港壩勢必仍前停淤於歲歲疏鑿益又難為  
 力矣是斷宜與盜決河防同嚴厲禁者也  
 明知縣易幹諸港潮平詩灌漑因方利周遭本逆  
 潮柳牽臺榭遠岸夾水雲迢軟軟鋪疏練依依入  
 畫描高人坐清  
 嘯豐稔俗相饒  
 明知縣趙應旗諸港潮平詩繞縣皆為港  
 潮來與岸平晴翻鷗鷺影靜聽桔槔聲

明縣丞韋商臣諸港潮平詩海嶼分諸港潮生岸  
 岸平斷橋流夜月亂葦助秋聲田舍堦連水漁舫  
 釣倚城白鷗如客  
 意時向二松鳴  
 明邑人劉乾諸港潮平詩萬派洶洶一氣盈修平  
 諸港漸歸城月明江口岸驚闊雨急渡頭舟忽橫  
 春水柳塘鷗得意秋風蘆渚雁爭鳴  
 悠悠浸灌功何限豈止來期不失貞  
 明邑人朱大中諸港潮平詩魄生圓月晦生明潮  
 汐江沙日雨更候啟海鰵開素練汎通水母駕高  
 駟波浮溪漲畦初灌水闊人喧舟忽橫  
 到處銀塘齊潏灩綠蘋洲上望鷗輕

明嘉靖三十九年教諭何炯上開港議

靖水國也庫處江心歲歲苦潦明府不遺荒陬慮  
 執事者不虔其職民不得蘇甚盛心也竊見靖河  
 港自瀾港起至西開沙繆清共九十四港水之友  
 流不一人之聚集不常非若延陵林陵河當午道



通為一帶且厥上塗泥易為崩淤遞年開濬不可  
 睹而知也又得利人失所宜而恃強凌弱勞逸不均  
 閣停雖有之又侵牟者多深廣皆不如制尤明府所  
 在在有新者也孟子曰歲十一月徒杠成十二月輿  
 宜更謂農功已畢可用民力也竊謂靖江開港之  
 梁成於收成之後則去春太蚤易淤延二三月則  
 期若於收成之後則去春太蚤易淤延二三月則  
 傷農桑無若立春後一日鳩百工一月之中縣官  
 不治他事專使遂之可以二十日而畢也民貧富強弱  
 官府一勤惰公私不齊或有規避或有求索或有  
 欺負停工之弊多生於此若人派定開港步數可  
 一其力也考其成功則速無所匿其力也故能二十日而  
 畢何以夏秋之後不煩官府也往濬者但用鐵鋤  
 應手置岸上天雨水復流入河則是未嘗濬河也  
 若人具器一去河岸三丈置土田中其時麥苗未  
 起兼可肥田是夏秋淋潦永無患也遂事之後令

亭長刻石兩旁某段廣三丈每港口立一椿深入  
 尺為度石不得移椿不得去準直一定歲以為常  
 則河水入江靖民永有粒食之慶矣下官之言麤  
 疏煩絮然而聾聵具聰明之用負薪有廊廟之談  
 惟明府  
 裁之

國朝康熙五年泰興如皋士民代濬邑之五大港以

通水道 時常揚兩府管河廳奉督撫檄協靖泰皋  
 石錠港 三縣踏勘泰興縣開靖之蔡家港廟樹港  
 闊五丈深二丈其開廢田畝補價外代納其賦俟  
 編審開除五港俱建馬橋日後淤塞仍聽泰皋挑  
 浚議既定泰皋士民季振麟張桂朱燧晉等靖江  
 士民蕭如蕙蕭固陳明等公立議單附案  
 三縣會印申報原委詳鄭侯重開五港記  
 知縣鄭重開五港記靖邑大江中一沙渚也明成  
 化七年始設縣四面環江港凡七十有二每值潮

夕至備灌漑資蓄洩水利於是乎與天啟而後西  
 北漲連泰興東與如皋接壤各港淤塞過半前合  
 葉君柱國陳君函輝有開團河之役匯支流而注  
 之江又疏水洞港朱東港北通泰興西沙無憂滂  
 焉惟東沙元山永慶兩團平衍多水患泰泉遇久  
 雨亦如之三邑民各守疆界日行干戈而未久  
 也余下車詢知地方疾苦大抵受水害不受水利  
 適泰興令李君馨為余同鄉友其邑民將假靖田  
 開靖岸以通水道余商之諸紳士僉曰開港之便  
 自南而北則可從北而南則不可為靖計水利無  
 踰於此二言泰泉以為不便於已議不果行其事  
 遂寢尋李直指以三邑水利之計題  
 勅督撫委揚江防秦公常水利之曰自南而北誠  
 界相地形度水勢聚父老而謀之曰自南而北誠  
 不可易第泰靖漲連自西徂東綿亘八十餘里非  
 濬四港不為功一柏家港南通天生港一石碇港  
 南通公彭棋港此東流之水注於江也一蔡家港南  
 通陳公港一廟樹港南通大瀾港此西流之水注

於江也有泰泉疏此四港則水勢分流如皋頗易  
 為方祇濬夏仕港南通安甯港安濶之勢成矣至  
 於補田價出夫力建馬橋悉如靖民議而泰泉獨  
 任之不以累吾民也議成上之府道以及兩臺俱  
 報可丁未春三月泰民始興工先東而後西三閱  
 月而四港告竣如皋至秋七月乃從役於夏仕港  
 歲則大稔是役也泰興開廢平田五百六十六畝  
 七分七釐六毫八絲沙田九十三畝六分五釐二  
 毫折平田六十三畝三分八毫七絲五忽二微如  
 皋開廢平田一百七十畝共折實平田八百畝零  
 七分二釐一毫八絲平田議值一兩五錢田價給  
 散靖民  
 有差其開廢糧賦兩邑包納者一年越戊申編審  
 巡撫韓公題  
 勅除之余雖有開港之責而相度地勢高下力爭  
 自南而北者為鄉大夫朱君鳳台劉君嶠及朱孝  
 廉澄盛孝廉彭以開港必爭深闢者為朱生士蛟  
 朱生士玳蕭生如蕙黃生朝璟佐予督工而勤勸

戒者為丞白君啟秀  
尉韓君開例得並書

四十八年泰興縣民背開港之議  
時五港淤塞靖江多水患諸紳士鄭

懋朱廷宛劉方澎等請於呂侯曰宮申報兩江總督邵公檄蘇州布政司立督泰皋二縣照前議使民挑浚皋民開夏仕港畢泰令以院司遷去背議混詳希冀中止常州府移關揚州府勸泰令會勘者六不至康熙五十年呂侯雖復詳各上臺泰令惟遷延而已

五十一年六月泰興縣民掘開水洞港及界河官壩

邑多水患  
是年六月十二日泰民掘開靖之水洞港致丁聖太平兩團頓遭水患團民正在修築間十五日被泰民盡掘界河之南官壩邑上民劉承御侯倉厚何雲間蕭雅生嚴榮陸傑等二百餘人先後請於王侯道以掘開港壩原委詳各上臺旋有江鎮道馬公率靖泰官民會勘署泰

興令者為陳同知詭稱其邑坍江二十餘里泰水入西江不由靖港宣洩馬公令照五港未濬之時仍聽靖民築堤以禦北水泰令知其不可語塞馬公變通其議港以十分為率泰工居其七靖工助其三乃捐俸緩一百兩王侯捐俸緩半之給靖民為協濟資泰民延抗如故五十四年十二月蘇州布政司李公將參泰令始完其七分之二

乾隆十七年知縣馬鵬飛濬五大港

嘉慶十二年知縣李廷芳濬五大港邑人朱勲捐貲

助之時朱公官陝西布政使以憂歸偕從子基緯琳石縣丞耀曾劉巡檢均張典史允毅分督其工大港及東西團河李侯率張教諭福謙蔣訓導錫又有邑紳士朱武筠沈均孫泰劉鐵劉金魁等赴工以董役事工竣江蘇布政使胡公克家有記勒

石於鄭少宰祠邑治  
儀門石碣李侯記之

咸豐二年知縣齊在鎔濬諸河港移知泰興縣知縣

張行澍會勘助工

里人孫瞻洛開河港記靖之五大港向係舉泰兩  
邑助工申有成約嗣後泰民肯議并私掘諸港舊  
志記之詳矣及道光初年泰之西境漲有福成連  
成二洲靖界劉聞沙亦進遷漲過邑城連界各港  
淤塞舟楫不通二十九年兩邑俱被水災三十年  
齊侯在鎔因與泰興張侯行澍會勘若廟樹港大  
瀾港入圍港蔡家港陳公港六圍港順境港童灣  
港太平港及夾港其流通於中間者曰西團河新  
橫河南橫河中橫河北橫河河凡有五如丁墅團  
之漁浦水洞二港太平團之展蘇嚴家二港隱山  
團之大新陸山馬路三港焦山永興兩團之港王  
都焦山跨其東繆宗犁耕跨其西又有劉聞沙諸

港曰川心曰火又曰美仁曰二圍曰七圍曰上四  
圍曰上九圍皆為兩旁分洩水道至於近隸邑城  
者有市河有城河有巽河有玉帶河有官堤河此  
外東團河東蟛蜞港亦淤塞無涓滴水乃集諸君  
子公議各河港淤塞之處業佃照畝派開惟堵成  
平陸不得不僱夫挑浚其餘築壩厚水修橋各經  
費悉賴勸捐以濟齊侯隨捐廉銀一千兩張侯亦  
捐廉銀五百兩為兩邑士民倡瞻洛因赴泰之印  
莊黃橋轄下偕陳少尹洙耿廣文文瀾何中翰栲  
尹廣文高佑勸紳士季君琨丁君人綱首出厚費  
以次諸戚友量力解囊由張侯解錢三千緡助工  
是年十月二十六日興挑至咸豐三年二月初六  
日工竣統計各河港長六萬五千四百四十八尺四寸  
挑錢折銀七萬三千七百二十四兩一錢五分內  
提賑餘草息錢折銀一千九百八十二兩四錢三  
分業佃僱夫自挑折銀五萬六千九百四十七兩  
四錢七分靖泰官民捐銀一萬四千七百九十四  
兩二錢五分此二年内詳奉赴泰提捐者為陽湖

光緒四年知縣葉滋森稟請開挑五大港  
縣佐李贊府國廣督挑東西各團河者為現任縣  
佐楊贊府國鈞專管近城各河港者為前署縣佐  
賴少尹寅常駐河港工次催辦者為前署邑論鄭  
廣文榮祺繼以前署邑訓葉廣文堯莫前後奉委  
詣工驗收結覆者則為常州府椽李知事恂武進  
縣佐李贊府榮通州委員陳少尹慶雲齊侯進冊  
申報請以捐銀三百兩之倪紹寬等三人給入品  
頂戴捐銀二百兩之朱湘等五十三人給九品頂  
戴在工出力董事朱鴻盤給九品銜徐步雲聞任  
各加一級以昭激勸四年二月二十三日兩江總  
督怡公良江蘇巡撫許公乃釗題  
勅工部議叙齊侯張侯俱加一級各員由外給獎  
有差由是兩邑田疇均既舟楫胥通數十年後愚  
父老必將追美曰此張侯恤隣之誼齊侯治水之  
功也流傳皆可不朽瞻  
洛董役事因據實記之

光緒四年知縣葉滋森稟請開挑五大港  
文興壩以南  
南公港現

改歸舊址城巽官堤等河所有開挑廟樹蔡家二  
港則泰興貼費四成柏家石碇二港泰興照貼三  
成夏仕一港仍由如皋酌貼係奉督憲委員履勘  
議定章程

稟稿切卑職接奉札委前赴靖江  
督同如泰兩縣親詣蔡家廟樹石碇柏家夏仕五  
港履勘明確是否與如泰兩邑同沾水利吊查靖  
泰二邑縣志核明泰邑咸豐同治年間協貼案據  
秉公妥議通稟察辦等因奉此遵即於十二月初  
十日到靖十一日會同泰興靖江兩令乘舟由廟  
樹港至界河自東至西查勘實勘得如泰地勢較  
高靖邑處其下流界河橫隔其間北為如泰南為  
靖江其界河為諸水橫洩之路其直流則泰邑之  
靖江其界河為諸水橫洩之路其直流則泰邑之  
毛鎮港俞鎮港兩水橫冲界河達靖邑之蔡家港  
轉洩入江又泰邑東西五圩兩港橫冲界河達靖  
邑之廟樹港轉洩入江又泰邑沙河鹽港三汊河  
三水橫冲界河分達靖邑之石碇柏家二港轉洩  
入江如邑則太平港橫冲界河達靖邑之夏仕港

轉洩入江前次靖江縣以向有協貼成案移請照  
 舊協濟泰興令接准靖邑移文本已諭董照辦俟  
 開挑該港即行貼解卑職因據各董一再請免且  
 察看泰邑河道另有出水之區是以據情轉詳今  
 由泰令會同卑職等親勘情形泰邑雖另有出水  
 河道足資宣洩然雨水調和自無他慮倘北水暴  
 漲則多一港有一港之利自不得不顧全鄰誼溯  
 查廟樹蔡家石碇柏家四港向有泰邑津貼夏仕  
 一港向由如邑津貼卑職等公同酌議現因泰邑  
 既有分洩河道不僥專恃靖邑四港較從前情形  
 稍有不同所有貼款自應量予減少嗣後靖邑開  
 挑蔡家廟樹兩港泰邑認貼四成石碇柏家兩港  
 泰邑認貼三成今屆先開廟樹港容即轉諭紳董  
 照數津貼移解如邑僅貼夏仕一港容即酌量捐  
 貼從此公同議定似昭平允仰祈  
 大人鑒核俯賜批示祇遵實為公便

堰閘

譚公渡

即蘇家港口郡侯譚公桂以靖之渡者從瀾

時風波巨測特改渡於此徑達黃山港故以名後  
 以黃山港居民射利寢廢舊有憇所門曰濟川堂  
 曰永澤亭曰美哉坊曰

明吳郡王世貞靖江縣新改譚公渡記靖江治在  
 江中央其北達通泰以至淮揚為運河南達江陰  
 走晉陵姑蘇通靖江之士吏農賈南渡江陰者十  
 之七八其自江陰而北渡者十三四當靖江之渡  
 所謂港七十二而其最巨者曰瀾港前接江陰之  
 港曰黃田其始亦最為近易嘉靖以來兩岸摧圯  
 其浸轉闊且倍蓰而中忽橫一沙間之東西延袤  
 可三十里渡者必循暗沙自蘇家港逆流而上取  
 道江陰之黃山港轉入黃田始得停泊中歷大小  
 石灣鵝鼻嘴鵝鼻之山益窄嶮而水益適迅深者  
 幾四十餘丈江陰之漁連巨艦而障其上流稍過  
 者多為旋渦所迫觸石而葬魚腹者歲無虛月近

者遠易者艱兩邑之人皆苦之而靖江其尤劇者也前是為守者秦越其屬邑而為令者過於尊畏其守而狎其民無肯以所苦告今太守譚公來下車之後除弊舉廢百猷鼎新乃以其間按行諸屬詢問父老具得其狀慨然歎曰吾安忍日視吾赤子之阡危而莫之挽也顧謂長年三老靖江之渡孰與瀾港便曰蘇家港便已復謂江陰之津人渡孰與黃田港便曰黃山港便顧黃山之舊道多淤淺公具其事請於上臺自港口疏之直抵江陰郭為丈一千五百費直金九百二十皆取之肺石之羨而民力不與焉又嚴網魚之禁毋使伏險而所謂大小石灣鵝鼻之峭厲洄伏皆悅然而若失遠者復而近艱者復而易輕舸峭帆亂流嘯風不移晷而徹於黃山蘇家之口矣蓋自是而卒歲無一報溺者公又請改石頭之巡司於黃田口設閘於港內以資蓄洩臺兩報可於是邑民感公之德其謀即其地立祠以祀公無何子來而趨工公聞之曰毋庸也民曰未可以溷我公知姑建一亭以安

憩者曰美哉洋洋禹功乎名之曰美哉復名其門曰濟川名其堂曰永澤亦以寓公惠也總而名之曰譚公渡邑令廖公汝恒問記於世貞世貞聞之古單襄公過陳見其橋道陂津之不飭即以占其將敗公孫僑之相鄭所務實長於此而孟子以其濟人溱洧之一端為惠而不知為政夫以深厲淺揭於民之損何幾而君子切切焉以效其規今公一轉徙之間而歲脫數十百人於魚腹而遺之安自是而推之十世其至於萬世其利益當何限也昔有名堰名堤名陂曰召伯曰白公曰父曰母者幾與天壤相敝然以視譚公何啻徑庭哉是宜邑人之思公與公之見思於邑人也是役也相之者倅王君梁君馮君司理張君奉而行之者即廖公執役者簿孫化來請記者光祿署丞朱正初於法得附書公名桂新建人王君名鶴齡鄢陵人梁君名鶴鳴南海人馮君名字慈谿人張君名有德祥人符

戒柳堤

長可百餘丈在瀾港橫大江中闊五尺許皆

計顧其地灘勢綿亘渡舫深泊殊遠不論寒暑男  
女必募地之強力善水者負之登舫趙侯應旗捐  
俸緡築堤可徑與舫接或大汎潮湧復於堤之盡  
處造兩小舫濟之自是民不病涉皆呼之為趙公

堤後埧

入江

邑遺老朱家試戒柳堤記自古有土地者境內之  
川梁道路亭埃之制皆大政也在周官則以小司  
徒之屬掌之以時修其廢墜故入其境眠其道路  
田野而知其政之媿惡甚哉其不可苟焉已也予  
邑環水而國所急者無如津梁其尤急者無如瀾  
港之渡凡邑之貢賦士大夫之好會商旅農氓之  
挾重齎輕以通有無日往來者以千數蓋邑之大  
津要也然舟與陸不相及泥塗沮洳可里許而後  
得舟欲登舟必覓傭夫負之而趨傭夫泥行則沒  
脛水行則沒股冬月則膚趾皆裂然而竟不可以

已也南昌趙公來既為亭以憩待渡者則久慨然  
歎曰昔鄭子產以乘輿濟人取譏於子輿氏况無  
乘輿者耶於是出俸緩令疊石為堤以達於舟是  
三百餘武費錢若干緡堤成乃名之曰戒柳會公  
遷台州別駕去邑人謳思之請伐石而紀其績余  
曰若知堤成足以免厲揭之苦其名曰戒柳云者  
何居夫人以戡岢之禍泛於安流即至愚者莫不  
知惕及居安履順勢可盡憑也何必衡於理氣可  
盡使也亦不必謀於義肆然罔恤以自投於陷阱而  
不知避所謂不測之險不生於風波而生於平地  
是誰之咎與語曰小人溺於水君子溺於言大人  
溺於民均溺也溺則蔑以濟矣古入因象言教以  
惕先事之戒既曰有衣柳而又曰終日戒豈第為  
濟川者防不虞哉吾儕履其堤則思利涉之用釋  
其名則思居身之珍庶不負  
我公嘉惠我民之意云爾

附趙公應輿閘涉詩競渡江頭已落潮搖搖海舶  
遠停橈負塗借力寒銷骨涉水拳裳濕濺腰長夏



不妨風浪惡元冬無那雪霜飄磷

然積石初成岸每念乘輿媿鄭僑

邑人朱家模趙公堤詩年年人語沸江聲築插中

流古渡平烟水映空虹正頌浪花飛雪屋初驚泊

來沙際官堤近人到磯頭畫舫輕為

說自今無厲涉臨涯應偃趙公營

港堰靖之港凡九十有五其通團河者十之七恐潮

壩長二百餘武視兩岸低尺許使外水大則可入

內水大則可出長江舟楫不得輒入小有旱澇不

得輕啟各壩設立壩夫二名與團保

協管擅啟者罪之著為令後則入江

大岸馬頭傳為徐太二走馬處馬頭以官渡故名後

壩入

陸家埠 邑西北三十餘里

鞠家埠 邑西北四十餘里皆通泰興處

范家埠 邑西南小沙

文興壩 在西門外壩於此以興文運今福建

鄭重文興壩記山水之盛必於人乎憑之又必於

聚都邑匯朝宗有以導之使達復有以挽之使留

而後奇崛浩曠紆迴盤曲之氣始得藉地以鍾其

祥焉此開河之後所以急急於築壩者非無說也

從來建都立邑度形勝於山者十之三四度形勝於

水者十之七靖邑之地結脈於水者也江心擁沙

清江縣志

卷三

堰閘

三

潦陡發輒以隣為壑靖民爭之界上荷鋪相持若  
防敵然至丁未年始有開河之舉予與泰興令李  
公躬行田間相度地勢遠近浚邑東之渠通中河  
者三通江者二浚邑西之渠通中河者二通江者  
一靖捐地兩邑計畝償其值役夫萬餘人不累月  
而五河告成三邑沾利此別有記不具載也五河  
浚矣兩邑之灌溉資而早澇不虞舟楫通而農民稱  
便議者謂正旺氣鍾聚之日以徵人文蔚起之盛  
則築壩之功誠不可不急謀於開河之後者也蓋  
邑西之水直從坤申方南注入江或違帝旺遶堂  
之法於縣為不利今築壩以障之俾辛申之水南  
遶城濠折入辰方而出此堪輿家所謂三合之水  
法也然前人謀之數十年無定局予欲一旦告厥  
成功豈獨不撓於紛呶之口與良以邑西之丁野  
諸團蓄洩之利也向由大瀾港出入潮近而行迅  
團民便之第築壩則水勢紆迴數里轉入東城始  
得達江旱不足以資桔槔一遇水澇則壅淤為患

須與魚游於田則聚眾操畚決其堰而洩之數十  
年以來所以旋築而旋廢者坐此故也乃於壩之  
西復濬一轉河瀉西北之水逶迤出壩外以入於江  
然後丁野各團之水害除而築壩之利亦可以永  
興矣議者猶以轉河之水勢必仍從大瀾港入江  
是虎口猶未免張吻也復於東開口稍循橫溝廢  
址議開帶水逶迤而入江者亦復遶城濠會帶水以  
出縈迴環抱曲折有情猶如賓筵欲散歌板方寂  
主人忽出而留客投轄張燈聲樂重作一往黯然  
離別之色頓復留連歡洽不忍遽舍而去其情景  
為何如也壩成名之曰文興建文昌閣於其上予  
願邑之人士登斯閣也流覽乎山水之勝而知其  
奇崛浩曠紆迴盤曲之氣非地無以鍾其肅非人  
無以憑其靈築此壩者不幾為靖邑  
挽千百年文運之盛也乎是為記  
邑人朱澂文興壩序從來說之可久行而不廢者  
必有所大驗於世如堪輿家言人人殊似難可蹤

跡然以予所觀若丹陽之三義閣武進之文成江  
陰之魚塘僅一壩耳留其水止一曲至合一邑士  
大夫之力爭之凡宦途之榮瘁士風之盛衰民俗  
之豐瘠舉於是繫殆未可一二為淺見聞者道  
也予邑西關外水口向有築壩之議然數築輒為  
小民所撓敗蓋邑西北之水無所泄易泛濫為  
災且舟楫通江無他路夫釋耳目之近患而能謀  
久遠之利此非齊民之所知也又余邑與揚之泰  
興如皋壤相接兩邑地形高滂水發輒近流以我  
為壑界上諸民防水如防敵然幸賴我父母鄭公  
與兩邑計畝獲其值兩邑役夫以數萬計費亦數  
予兩邑通而餘潤及隣而我被患不知此者建議之初邑  
人顧大譟恐便隣而我被患不知此者建議之初邑  
以嚙我者下流未通蓄極而溢也第多為大渠分  
其勢自成安瀾且不通蓄極而溢也第多為大渠分  
溉田利一勝則循流入江無壅淤之患利二舟楫  
便往來利三更得藉此議築壩使數十年謀而未

成之局可從容彈指而定利四夫一舉事而四善  
備非我公力持其議鮮不搖於紛拏之口者今渠  
成東西四通舟楫如織壩工聿成公為題曰文興  
尤厚望於靖之士之民嘉惠我邑者又不獨水利  
云也余因不揣為  
數言以記其事

**官堤**

在南門外嘉慶十八年邑人朱公勳巡撫陝西

計越十九年百公奉  
旨與江蘇巡撫朱公理總河吳公敬來靖會勘自

瀾港東至蘇家港築黃石堤七百三十一丈朱公

從子基緯基純從孫式金維鑄捐銀一萬兩以助

大功績江蘇布政使接朱公書發公欸銀九千兩

令邑之各質庫具領生息作歲修費蓋為桑梓計

久遠皆朱  
公之力也

江蘇巡撫朱理片奏再查常州府屬之靖江縣江  
岸近年以來被潮侵削日甚上冬及本年曾經該

立... 縣詳明集同地方紳士兩次設法堵禦或以竹麓  
儲石或用排椿深釘因秋汎潮大均未濟事沿岸  
武廟及文峯塔基先後坍塌入江距城較近等情  
先經飭據蘇州藩司慶保詳委蘇海防同知僖山  
會同該守令確勘被塌情形議請於本年冬令水  
落時仿照浙省海塘之例或廟柴埽或建石塘以  
資鞏固臣恐石工需費浩繁未易舉行且為時已  
遲一切採運砌築非數月內所能集事之工轉瞬  
春潮日旺必至興築不及當即與督臣百齡往返  
相商並經督臣知會河臣另行遴委熟諳工程估  
料之河營游擊陸允海州州同熊煥千總劉俊前  
往靖邑會同該守令相度形勢委籌堵築茲據委  
員等詳加勘估據稟魚鱗石塘既工繁日迫驟難  
蕺事若築柴塘該處岸高水面七八尺大汐潮來  
老岸浸水必須估埽出外高老崖五尺後築土靠  
方可抵禦大汐但江岸七百餘丈工段較長大汐  
槍廂非易且須集料備防歲修不少係屬易辦難  
守之工惟察看塌江處尙未汕刷過深現尙有拋

存碎石頗為得力因所拋過少辦理亦未能合法  
今據估拋碎石照四收坦坡出水高一丈頂寬五  
尺比老崖高出二尺復築土靠頂寬一丈以禦江  
潮庶可保守經久造冊繪圖會稟前來臣查該處  
工程攸關城郭民居亟應速籌保衛未便再遲當  
於徒陽運河勘估誌椿後即就近由江陰渡江赴  
靖督同署常州府僖丞勘得該縣沿江坍塌情形  
自瀾港口至蘇家港止計長七百三十一丈刷成  
兜灣形勢該處東南西南三面濱臨大江江流自西  
而東海潮來自東南以趨西北水勢兩相撞擊緣  
對面蝦蟇山腳一帶漲有陰沙下挑溜窩至縣城  
之東南面蘇家港湧起潮頭一路逼冲江岸逐漸  
坍塌現在南門外自江邊迎春橋至城塘根止地  
基僅存四十三丈形勢緊迫實為目前不可刻緩  
之工臣與該守令及紳士人等再四熟籌均稱該  
委員等估拋碎石照依高寬出水丈尺做法可禦  
潮汐而為久計較之柴工實為穩便所有碎石即  
於江陰地方就近採運趕於來春閏三月內竣工

清江縣志 卷三 堰閘

其估需工料銀十三萬六千餘兩臣與督臣百齡  
現在飭司分別籌款俟核定後另行專摺具奏合  
將靖邑要工臣親往勘辦緣由先行附片奏  
聞伏乞

睿鑒謹奏奉

上諭據朱理奏靖江縣江岸近年被汎潮侵削逐  
漸坍塌卸現南門外自江邊至城根地基僅存四  
十三丈形勢緊迫懇請估拋碎石照依高寬出水  
做法以禦潮汐計估需工料銀十三萬六千餘兩  
等語此時帑項未充一切工作俱經停止百齡等  
當所深悉吳墩現在江南查工着即會同百齡朱  
理將靖江縣江岸坍塌卸處所詳細履勘會同商酌  
果係目前不可刻緩之工再行奏聞等款修辦如  
尚可從緩即奏明停止國家經費實不能再贍及  
不急之務也將此諭令知之欽此 時嘉慶十八  
年 兩江總督百齡江蘇巡撫朱理總河吳墩奏摺爲  
遵

旨會同履勘靖江縣江工亟應修築以衛城垣並  
酌減工料價銀樽節籌款辦理緣由伏乞

聖鑒事竊照常州府屬靖江縣江岸近年被汎潮  
侵刷逐漸坍塌卸逼近城根情形險要擬築碎石坦  
坡俾資捍衛前經臣朱理據委員等估報約需工  
料銀兩附片具奏欽奉

諭旨吳墩現在江南查工着即會同百齡朱理詳  
細履勘會同商酌果係目前不可刻緩之工再行

奏聞籌辦等因欽此仰見

皇上軫念民瘼慎重工需之至意臣吳墩臣百齡

遵即馳赴靖江臣朱理亦由蘇前來當即率同留

工効力之原任淮揚道葉觀潮並該府縣及原委

勘估之文武員弁等親詣江干詳加履勘該縣東

西南三面濱臨大江江之南岸山勢接連排如屏

障其北岸即係縣城向有土崖回護近因江面之

東南蝦蟇山及長山一帶漲有陰沙挺入江心逼

溜北趨且該處係江海交匯之處江流自西而東

海潮則由東南向西北斜駛兩相衝激其溜直抵

縣城東南之蘇家港湧起潮頭一路向西撞擊以致縣城南門外岸崖逐漸坍塌卸業將附近之天后宮武廟文峰寺等處地基衝損距該縣南城根僅四十三丈當此春汛未發潮汛往來北岸向日有刷卸之處一經伏秋大汛勢必侵及城垣更形危險亟宜築塘抵禦以保無虞實為目前不可再緩之工臣等公同籌商此時若建築石塘固能經久但需費甚鉅勢難趕辦若照浙江臨海柴塘修建工用亦繁且歲修更須多費該委員等原議估辦碎石坦坡於該處情形尚屬合宜詢之本

地紳耆等亦稱曾經試築坦坡一段頗為得力自應相機估辦現在酌定自瀾港口起至蘇家港止共長七百三十一丈內有四段最為頂衝着重形稍輕丈尺亦稍減均照原估辦理惟查該工係緊靠灘崖先築土坡外包碎石今與該府縣及各委員覆行妥議土坡應多做一丈石坡應少做一丈將土坡加以夯碾則與老崖交融凝結而石坡

皇上訓示遵行謹奏奉

時嘉慶十九年

寒山開

一名長安開在邑治西南里許長安境華嚴庵側通瀾港明崇禎十二年陳侯函輝造開

上有祠有碑記國朝乾隆十一年里人

宋朝鼎募修道光初年邑紳陳司凱募修

明知縣陳函輝河西新聞紀事有小引靖舊有七

十二河求之不得皆平土矣為下徒木令用饑夫

負畚鍤三月而功告成步出城西一寺橋見小港

引江濤入齧汎濫之餘卒淤我土因鳩工築石壩

門之以司啟閉題曰寒山開從余字也防民如

防川賴此一片石敢希白氏渠莫笑噉名客寒

水點輕鷗寒香擷芳芷農隙冬始成一寒意如此

忽思湖上宅蘇白二公堤放鶴孤山下梅花隔

水西淺堤聊止水平地亦為

山千秋百歲後翁在山水間

東山開在邑治東南三里許蘇家港之楊灣明崇禎

十三年陳侯函輝造十四年修至國朝嘉

慶年間

明陳侯函輝河東石言有小引西間既成東之水

從蘇家港折而入楊家隄隄稍狹長而勢更湍急

將為漏卮以告之諸前輩宜礮石宜椿宜聚鐵而

石門之僉曰諾令司厥倡民且子來題以東山以

孤山在其東蓋不獨折展於謝太傅矣眾壑折

而東迴瀾不可禦賴有東諸侯其纘禹之緒小

東民已竭誰與擊波臣幸免苞稂浸吾方哀憚人

自西而徂東敢告諸執事青來江上峰補入河

平山開

在邑治西南三十餘里小沙繆宗港明崇禎

十三年陳侯函輝造學博顧夔為之記今圯

矣已久

渠志小艇青於畫斜橋綠自

波遊人初買醉繫纜石門河

梅山開

在元山

團在久廢

清江縣志

卷三 堰開

桃山閘 在永慶團久廢

東閘 在邑東二十里天生港不知建於何時今圯已久僅存其名而已

橋梁

平政橋 縣南

龍驤橋 縣東

鳳鳴橋 縣西

登雲橋 平政橋之南

西石橋 縣西

永濟橋 常餘倉前

興賢橋 學南

乘驄橋 察院南跨市河

龍興橋 崇聖寺前萬壽坊下舊橋下有引水注東關市河後渠沒但以石為記

東關橋 東水關上

西關橋 西水關上

改歸舊址城巽官堤等河所有開挑廟樹蔡家二港則泰興貼費匹成柏家石碇二港泰興照貼三成夏仕一港仍由如皋酌貼係奉督憲委員履勘議定章程

附委員倪稟稿切卑職接奉札委前赴靖江

督同如泰兩縣親詣蔡家廟樹石碇柏家夏仕五

港履勘明確是否與如泰兩邑同沾水利吊查靖

泰二邑縣志核明泰邑咸豐同治年間協貼案據

秉公妥議通稟察辦等因奉此遵即於十二月初

十日到靖十一日會同泰興靖江兩令乘舟由廟

樹港至界河自東至西查勘實勘得如泰地勢較

高靖邑處其下流界河橫隔其間北為如泰南為

靖江其界河為諸水橫洩之路其直流則泰邑之

毛鎮港俞鎮港兩水橫冲界河達靖邑之蔡家港

轉洩入江又泰邑東西五圩兩港橫冲界河達靖

邑之廟樹港轉洩入江又泰邑沙河鹽港三汊河



轉洩入江前次靖江縣以向有協貼成案移請照  
 舊協濟泰興令接准靖邑移文本已諭董照辦俟  
 開挑該港即行貼解卑職因據各董一再請免且  
 察看泰邑河道另有出水之區是以據情轉詳今  
 由泰令會同卑職等親勘情形泰邑雖另有出水  
 河道足資宣洩然雨水調和自無他慮倘北水暴  
 漲則多一港有一港之利自不得不顧全鄰誼溯  
 查廟樹蔡家石碇柏家四港向有泰邑津貼夏仕  
 一港向由如邑津貼卑職等公同酌議現因泰邑  
 既有分洩河道不僅專恃靖邑四港較從前情形  
 稍有不同所有貼欸自應量予減少嗣後靖邑開  
 挑蔡家廟樹兩港泰邑認貼四成石碇柏家兩港  
 泰邑認貼三成今屆先開廟樹港容即轉諭紳董  
 照數津貼移解如邑僅貼夏仕一港容即酌量捐  
 貼從此公同議定似昭平允仰祈  
 大人鑒核俯賜批示祇遵實為公便

堰閘

東後鋪橋

旌義坊前

西後鋪橋

跨縣後市河

弓家橋

即弓家壩

以上在城內

平惠橋

南門城濠

豐樂橋

東門城濠

西水橋

西門城濠

敦仁橋

北門城濠

迎春橋

東南城外跨巽河

新橋

東塔寺前

樂善橋

在西水橋之西石建

朝陽橋

即朝陽殿前石建

劍池橋

南門外官路之半即朱定徐泰二走馬畫溝處坍沒

通會橋

舊水次倉前即倉橋

徐家橋

北達西水關

宣家橋 東門外北

天水橋 宣家橋東

橫橋 秦家橋南

永濟橋 即秦家橋石登

王富橋 蘇家港

孫家橋 北門外

楊復橋 即陽泰橋北門外七里許石建

通濟橋 真武廟前即郭家橋

文興橋 城西南四里許石建

利涉橋 烈女祠前

劉秀橋 烈女祠東

康莊橋 劉秀橋東

斜橋 東阜鎮中市灣薄家街之側舊因此橋名鎮圯久故址無存

石皮橋 去縣西五里

太平橋 本團范家港石建

吳橋 太平庵西

濟善橋

永昌橋

永興橋 太平團蔡家港石登

拱真橋 生祠堂西石建

南石橋 嚴家港

惠民橋 韓家港

普濟橋 毛莊港

新安橋

以上在城外

板橋 在東門外三官殿東北

木廠橋 在常家埭橋側

馬奚封橋 在深仁堂北跨蘇家港

鳳仙橋 在沈家觀音堂後跨團河

王店橋 在鳳仙橋北

燕子橋 在孤山西

土橋 在孤山北五里跨山港

三元橋 在界河南五里跨石碇港

燒香橋 在孤山東北一里許跨石碇港永慶團甲民陸三友捐錢三百五十緡建以白石長約二

丈濶約一丈橫東西港岸水底鋪石長濶亦如之  
橋門水大以致舟楫不通道光八年邑耆老劉曰  
龍等請於賀侯雲舉將易石以木被村民構訟而  
止識者謂橋西買田十畝由橋北開一港而西環  
繞至於橋南復建一木  
橋則舟楫自此通矣

五里橋

在城東五里

展家橋

在城東五里

柏木橋

在城東十里今為鎮

口渡橋

跨陸座港後坍入江

裏渡橋

跨陸座港

馬橋

俗呼王老娘橋跨陸座港

土橋

在善因鎮北半里許跨龍潭港里民公建木橋十三節兩旁有闌干帆檣停泊之所

盧金橋

在善因鎮北土橋之南乾隆初年邑諸生夏公牧登石成橋因跨盧金港之尾故以名橋

雙溪橋

在盧金橋稍北迤東三宮殿前邑諸生夏公牧登石為之因東為市河西為盧金港二水

交通故以雙溪名

善因橋

在善因鎮南舊名大橋以木構之乾隆五十年里民朱添助易以石畢侯所密更之曰

善因有記

陸陀子橋

在如來庵南跨盧金港

澧澄橋

在夏仕港北跨朱萱流漕路通如皋

通鎮橋

西來鎮南石登乾隆十一年公建

允樂橋

邑之極東與如皋分界

蒼石橋

跨盧金港在如來庵側石登乾隆九年庵僧蒼石獨建即以建者名

興隆橋

西來鎮北境乾隆十三年周世明劉君美同建丁守福蘇斌賢各助銀十兩如來庵僧蒼

石董成之又名丁公橋

橋跨市河通盧金港雍正初年市河為丁侯應蕙督浚橋名或沿其舊與

樂善橋

西來鎮北境與如皋段家市接壤橋跨界河兩旁登石中亘巨木皋民張進山獨建乾隆

二十九九年遇大水石圮三十二年重建先後糜銀四百餘兩時年七十餘矣見善必爲家漸落且未識字人益敬之

尤家橋 在朝陽殿西石磴

大通橋 在潘家井後

王家橋 在西門外一里許跨團河

大木橋 在西一官殿側跨廟樹港

桑木橋 在長頭岸跨廟樹港

曹家橋 在五里舖西北跨廟樹港

張李橋 在曹家橋北跨廟樹港

邢家橋 在張李橋北跨廟樹港

高家橋 在太平團

五瑞橋 在城西南八里跨陳公港

楊家橋 在五瑞橋北跨陳公港

馬橋 在城西十里跨蔡家港

黃木橋 在一了庵側跨李賢港

大橋 近鎮海市跨團河

小橋 距大橋一里許跨團河

侯孫橋 邑極西跨界河長十三節今存三節

馬橋 舊有馬路在各團內地國朝移向江邊建木橋以跨曰西夾黃港東夾黃港太平港大港繆

蘆場港西陳公港中陳公港東陳公港小六港天

港瀾港蘇家港張公港老莊港汶港西雙港中雙

港東雙港蠅蟻港曹家港天生港小天生港陸座

港和尚港章春港安甯港龍潭港倪家流漕孫家

流漕青龍港馮家流漕盧金港凡三十有九並泰

阜人代建五橋在內邑丞於春秋二季令地保修葺今俱圯入江矣

安瀾橋 在瀾港東跨官隄河

寶成橋 在鄭少宰祠前跨官隄河

鼎元橋 在新巽河北

吉水橋 在新巽河南

以上安瀾等四橋咸豐二年捐建

界河橋 跨泰興黃家港沙 得勝橋 跨興隆港

柏木橋 跨興隆港 太平橋 跨九圍港

灞上橋 跨夾港 粥板橋 跨川心港

正東橋 在正東市 頭圍橋 在頭圍港

二圍橋 在二圍港 三圍橋 在三圍港

四圍橋 在四圍港 五圍橋 在五圍港

南六圍橋 在六圍港 北六圍橋 在六圍港

七圍橋 在七圍港 南八圍橋 在八圍橋鎮

中八圍橋 在八圍港 九圍橋 在九圍港

十圍橋 在十圍橋鎮 十一圍橋 在十一圍一段

十二圍橋 在十二圍二段

以上續增劉聞沙各段木橋

思岳橋 在生祠鎮岳武穆王廟東側 贊石為梁昔武穆王登舟南渡眾百姓匍伏橋上焚香拜送

後人因名為思岳橋

明星橋 在白衣鎮團河側 跨祁家港 已丑年重建

同善橋 在三河鎮西 三河橋 在生祠鎮西 三里跨團河

李四橋 在劉聞沙西 距城高三橋 在劉聞沙西 距城三十六里跨夾港

西八字橋 在劉聞沙西 中八字橋 在劉聞沙西 跨美仁港

東八字橋 在劉聞沙西跨上六圍港同治四年以石重建改為八仙橋

東興橋 在劉聞沙西 永興橋 在四墩子西市口跨夾港石建

餘倉橋 在石 興隆橋 在石 在石

撻子橋 在石 順隆橋 在山 在石

鳳頭橋 在東 鳳尾橋 在東 在東

三姓橋 在掘港

隆茂橋 在掘港西乾隆二十六年建俗名范家石橋

永鎮橋 在斜橋北市口康熙戊辰年王天爵洪效坤陳文庭建

十九號橋 在長安市北跨界河 鄉耆吳鳴九獨建

靖江縣志卷四

賦役

靖田漲坍不一課賦之增減亦如之明制田有五等至

國朝定平沙灘三則益之以蘆洲六則正供皆從此出額編可創派於地畝雖徵康熙五十年後積生...不加賦著為例起運解...其數自有可考者



明

卷八

百

宏治

十

十八年

正德十五年官民田山灘共三千八百六十五頃二

十八畝各有奇

嘉靖四十一年官民田山灘共四千二百二十八頃

七十四畝各有奇

明龔用卿覈實田糧記今天下財賦大半出東南而蘇常諸郡又財賦之甲也常之屬邑曰靖江地以江流奔放沙泥迴合於為沃洲可圩可稼然巨浸衝壩坍漲不常豪右奸宄之民乘此以射利股小民而吞併之經界不正欺隱未除言田賦者往往稱不便嘉靖戊戌黃梅周子繼學來尹是邑剗強植弱民有頌聲會以東南之田賦不均為言者天子下其議令各覈實以蘇民困於是巡撫都御史歐陽公鐸委兵備副使王君儀知府應君檣議率周令行之令乃慎簡耆老官屬遍歷田野巡行而督課之於是摘隱伏正欺蔽糾姦隱坍沒者認之轉科者核之新認者公之先是官田畝科四斗有奇民田畝科一斗七升有奇輕重相去懸絕而里猾胥吏之弊紛然百出至不可以致詰至是

則均平如一通融相等官民田畝皆科一斗八升積荒沙田畝科一斗二升飛沙荒田畝科五升新認灘田畝科四升土民便之然而墾江賠糧之數尚未除也越三歲辛丑冬莆田俞子獻可繼之進父老於庭問民疾苦皆曰周令之丈量田土弊已清矣顧賠糧之虛數所以遺吾民之患者尚在惟侯亟圖拯之也俞子惻然曰以財賦稱甲之地而所以爲之則者乃無畫一之法民之坐困其原實本此因出視田原除豁虛糧千九百餘石取新漲轉科之額以補之正疆界定版圖抑兼并懲豪右減虛額明實數籍貧民之無告者而勻給之招撫流亡人人復業舊五十八里增編二里爲六十里凡二百九十戶千一百餘丁嗚呼俞子可謂善用其道矣傳曰說以使民民忘其勞其是之謂乎夫均田不難也得其人若俞子者任之則田可均矣不得其人則法未行而私弊已百出求民之免於貧難矣欲民之免於貧莫大於均民之田畝田畝均民不得以獨貧董子限民名田之議其復施於

隆慶六年官民田山灘共四千一百一十五頃六十

四畝各有奇

今日乎况夫節彼與此奪已定之業以撼易搖之心非成之有漸處之有術粹未易致也吾於俞子後之繼尹是邑且使觀風者有所考焉

明太倉王相國錫爵靖江縣里役編年長賦記高皇帝之肇造區夏也軍興儲精大半取給於江南數郡其立法而徵之與擇其人而長之者甚均且悉當其時官無橫需民無逋負上下咸賴其利焉所謂長賦者每輸將入都則天子爲之陛前而論殿上而燕山黎野農父老子弟熙熙然皆得與黃屋至尊周旋所以慰勞而良苦之靡有不至民生斯時何不樂於長賦也哉今江南富人十室九空甚者三木金鐵纍然圍扉之中察其故皆以長賦破家而會計公府之入往往輸者負者相爲什伍



於是長民之吏不得弛其鞭箠民始驚然喪其樂  
 生之心議者徒見其弊舉歸咎於長賦不知此非  
 高皇帝之法不可行於今蓋守之者不能通其變  
 而撓法之民有所玩而相為夤緣遂令其弊至此  
 也靖江在江南為下邑樓櫓蕭蕭浮沉汐漲間其  
 人雞犬桑麻竹木藁芻有武陵桃源之想心甚羨  
 慕之每往來江上欲一入其境未能也及其邑  
 中士民來過余能言其邑長賦之法甚善曰吾邑  
 之所幸僅僅未困者以此請余為碑記之其法凡  
 圖為里長者十大約十歲之內歲推一人長其賦  
 一人長之九人從而督之富人有力者十歲中再  
 役之不及者兩人充一歲之役按歲而更休既周  
 復始如循環然長者總其入督者稽其數一人既  
 率其九而九人皆得以各率其屬也里中編戶若  
 雁行魚貫可枚數而指屈孰敢避匿以欺其九而  
 九人者方且互相為長又焉能乾沒以累其一哉  
 夫是以公家足取盈之數私室免催科之擾靖江  
 之民雖無陶朱猗頓之富而亦稍稍能不蹈於溝

壑之中如江南他郡以長賦破其家與纍然拘囚  
 者皆彼邑中所無有也然則長賦之法非不便於  
 他郡而獨便於靖也亦視長民者力行之何如耳  
 蓋其時為賢縣令者四賢別駕者一賢中丞者二  
 而其法乃行得以不撓縣令者今司馬永嘉王公  
 露其議議未集代去而後令柴公始較畫參訂拮  
 据而必行之嗣柴公者為燕山張公攝令事者為  
 別駕高公方眾口之欲壞法也兩公嚴阻而力排  
 之新令莆田張公又踵而成之中丞則今總漕錢  
 塘方公故開府姚江周公兩公者能允縣令別駕  
 之請不惑羣議朝上計而夕報可以迄成此美也  
 雖然法不難於議而難於行不難於立而難於守  
 是法也所不利於奸民者二逋者之不利於積負  
 也攬者之不利於侵漁也主者心搖惑即羣口沸  
 而交鑠之矣法安得不敝耶予既為碑以復其士  
 民而俾以其詳勒碑陰後之為靖江者縱無感乎  
 予言其亦深繹高皇帝立法之意  
 并弗忘數君子規畫之苦心也哉

萬曆四十五年官民田山灘共五千九百二十九頃十九畝各有奇

崇禎十二年官民田山灘共五千七百四十頃十三畝各有奇

明邑人朱得之曰地本浮沙所聚土膏最瘠收穫僅半於江南周文襄公與江陰令王公秉彛議奏定擬本土上以南運蓋憐其地瘠民愚而優之也近數年來復撥鳳陽壽寧等運失文襄之初意而民加勞費矣陳志曰邑之田有官田田所入以供官府盈詘之需但不缺國賦而不服雜徭者也有民田聽民自為種佃而供上之課服上之徭役者也有沙田或官或民其賦徭俱如上而稅額則稍輕矣有灘田濱江漲處已出水未出水俱謂之灘田有

官民之別其賦與徭俱極輕有山田惟孤山之十五畝歲課鈔錢三十文有土官庄田嘉靖四十四年鴻臚序班鄧欽承奏其祖尚書鄧明係安南國輸忠納款人員久有賜土清出孤山等處田十頃十三畝抵補坍沒田十頃賦徭原三升三合至萬曆初年奉例起科附籍甲外仍不許子孫擅賣坍塌者令告明抵補有碑刻幕廳

國朝順治九年定賦役全書先是順治二年淮撫趙公按臨奉文除明季追

徵外照原額蠲七徵三解納三年奉文查明季萬曆四十六七八年分錢糧徵解九年始造賦役全書通縣平沙灘田共六千六百二十三頃五十三

畝三分一毫四絲一忽二微五纖  
平田五千十五頃五十畝三分二釐二毫每畝科平米九

升二合一勺八抄三撮  
八圭四粟九顆四粒  
其科平米四萬二千二百  
三十四石八斗二升九合有奇

沙田七百二頃八十二畝二分七釐一毫  
每畝科  
平米六

升二合一勺一抄六撮  
二圭八粟二顆二粒  
其科平米四千三百七十

九石七斗二升九合有奇

灘田九百五頃二十畝七分八毫四絲一忽二微

五織  
每畝科平米  
三升三合  
其科平米一千九百八十七石

一斗八升三合有奇

以上平沙灘三則通該科平米五萬三千六百

一石七斗五升二合六勺五抄二撮八圭五粟

八顆七粒

康熙二年續訂賦役全書

田地俱照順治十五年  
平沙二則畝數科糧  
通

縣平沙田共五十六萬二千四百十五畝五分三

釐三毫

平田四十八萬四十六畝三釐三毫  
每畝科平米  
一斗五抄四

撮七粟八  
顆三粒  
其科平米四萬八千三十石五斗六升

三合有奇

沙田八萬二千三百六十九畝五分  
每畝科平米  
六升七合六

勺三抄六撮五圭五粟七顆其科平米五千五百七十一石一

斗八升九合有奇

以上平沙二田折實一則平田五十三萬五千

七百二十七畝八分一釐四毫每沙田一畝折平田六分七釐

六毫六渺九漠二埃共該米五萬三千六百一石七斗五

升二合有奇舊例本折色起存錢根在於本米上各則驗派今俱折實平田上一

則起科依照新定起存錢糧實數每折實平田一畝科條折兵餉銀五分

九釐九毫五絲二忽二微五纖六沙七渺七漠三埃該銀三萬二千一百

十八兩九分有奇科本色麥六勺三抄三撮四圭六粟三顆六粒該麥

三百三十九石三斗六升四合有奇科本色米二升四合

六勺九抄八撮九圭一粟七顆三粒該米一萬三千二百三十一

石八斗九升七合有奇科地畝銀一分五毫一絲二忽九微四纖四沙

七塵六渺六漠一埃該銀五千六百三十二兩七分六釐

有奇內除鄉紳舉貢監生員等戶平田一萬六千六百八十畝照後徭里平田起科該銀

一百十六兩七錢五分七釐有奇奉文充餉實存折實平田五十一

萬九千四十七畝八分一釐四毫每畝科徭里銀六釐九毫

九絲九忽八微二纖六沙二塵六渺七漠二埃該銀三千六百三十二

兩八錢一分二釐有奇

五年行清丈

平沙田畝丈  
量增減實數

平田共四十八萬一千五百五十四畝八分一釐二毫

四絲七忽八微訂造簡明全書內載平田四十六萬八千四十七畝八分七釐五毫

沙田四絲七忽八微外康熙三年陞轉揀入四年由單田轉陞平田四千一百三十一畝八分八釐一毫

平田又於康熙五年清丈揀入六年由單沙田轉陞以及丈增平田共七千八百九十六畝六釐

八毫又官田內丈勘出糧平查照簡明全書原額田七十八畝九分八釐八毫

透出丈增平田一萬二千一百六畝九分三釐七

毫

沙田共八萬一千一百四十一畝五分四釐七毫

訂造簡明全書內載沙田八萬八千八百四十八畝二分八釐二毫內於康熙四年揀入五年由單

陞科沙田二千五百三十畝四釐三毫又於康熙三年揀入五年由單減科轉出平糧沙田四千一

百三十一畝八分八釐一毫以增抵減外實勘減沙田一千六百一畝八分三釐八毫又於康熙五

年清丈官田內丈勘出糧沙田六十七畝一分四釐五毫又丈減轉出平糧沙田并坍沒沙田共六

千一百七十二畝四釐二毫以增抵減外實勘減沙田六千一百四畝八分九釐七毫二共丈減沙

田七千七百零六畝七分三釐五毫查照簡明全書原額減去沙田

七千七百六畝七分三釐五毫

以上以平沙陞增抵減比舊丈增折實平田六

千八百九十七畝一分八釐四毫一絲四忽縣府

申請均攤部駁不允遂計畝加增共增  
正扛費銀五百四十三兩四錢有奇

元山田十五畝每年徵租錢三十文折銀三分

不科糧學宮衙署寺院等官田七百八十畝九分

五釐三毫

是年如臯泰興兩縣假道靖邑開港通江挑廢靖

江平田七百三十七畝四分一釐四毫四絲沙田

九十三畝六分五釐造冊達部其開廢田畝錢糧

奉文於康熙七年開除列入由單

明季崇禎七年有新漲沙灘二萬一千九百九十

九畝六分二釐科平米七百二十三石一升七合

四勺六抄共折徵銀三百二十五兩三錢五分七

釐有奇自 國朝康熙五年坍沒至九年均攤充

餉

按邑之砥柱沙遷棄沙田五百五畝三分六釐六  
毫折平田三百四十一畝六分有奇照科平米三  
十四石六斗七升有奇應在通縣平米減去外實  
該平米五萬三千五百六十七石七升八合有奇  
奉文自康熙元年為始續康熙八年開復沙洲其  
沙田坍沒無存勘明詳請督撫各憲行委本府水  
利廳熊公臨縣踏勘委係坍沒轉詳循照全書開  
載漲則均減坍則均加之例將前坍沒錢糧批允  
均攤通縣刊入康熙十一年由單以足賦額  
其開復蘆灘仍照則輸課自康熙九年為始

乾隆三年考訂原編續編通縣平沙田五十六萬五  
 千一百九十一畝一分九釐六毫零折實平田五  
 十三萬五千八畝四分九釐八毫零除遷沙外其  
 科平米五萬四千二百六十六石七升二合零該  
 科本色米麥一萬三千九百五十一石四斗三升  
 八合六勺零折色銀四萬二千三百八十三兩二  
 錢二分三釐內除挑廢平沙田八百三十一畝六  
 釐四毫零共減折實平田八百畝七  
 分二釐一毫零減科平米八十一石二斗一升八  
 合零減科米麥二十石八斗六升七合零減科折  
 色銀六十錢又自康熙三十二年起至雍正元年坍

沒平沙田一萬四千四百八十畝五分六釐零折  
 實平田一萬一千二百八十三畝三分四毫零新  
 漲平沙田九千三百一畝六分九釐七毫零以漲  
 抵坍減平沙田五千一百六十八畝八分七釐零  
 折實平田四千九百五十六畝六分九釐零減科  
 平米五百二石七斗六升六合零仍照定例合縣  
 均加實在平沙并文陞等項共田五十五萬九千  
 一百九十一畝二分六釐一毫零折實平田五十  
 二萬九千二百四十九畝八釐三毫零該科平米

五萬三千六百八十二石六斗八升七合零科本

色米麥一萬三千九百三十石五斗七升一合零

遇閏加米二十四石 折色銀四萬二千三百十九

兩六錢二分三釐 遇閏加銀一百四十九

是年始行冬勘

按靖濱江田畝漲坍靡常按年確勘始於乾隆三年兩江總督那公會同

江蘇巡撫楊公以靖江三面濱江浮沙積聚海潮衝激漲少坍多全書刊定一戶報坍而通邑增一戶報陞而合邑減糧無定額民鮮適從奏請靖江縣從前坍沒攤帶銀米查明清豁陞漲田畝清出陞科經戶部酌議嗣後將靖江縣錢糧一併歸於冬勘委員履畝確查如果有坍沒之處查明蠲豁新漲之地卽行陞科仍將該縣陞蠲確數題報在案乾隆五十年巡撫閱公鴉元造冊報部靖江縣

原額折實平田五千四百一十八頃二十四畝二分八釐經四十四年冬勘原續坍沒折實平田九百四十三頃七十八畝六分應蠲銀七千五百十四兩零米二千四百三十三石零又前項坍田內有學田四頃四十四畝零應蠲租銀九十五兩零原續漲折實平田三百九十九畝零四十五六七八九年俱勘明並無坍漲四十九年新坍折實平田一十七頃十六畝零應蠲銀一百三十六兩米四十四石零新漲折實平田一頃五畝零應徵銀八兩零米二石零勘明坍者盡沉水底漲者並無捏混取造冊結保題經戶部奏明奉旨依議

嘉慶十九年召買沙洲

靖邑劉聞沙初係老糧告陞至是始行召買每畝水灘價

銀四錢泥灘入錢高阜灘一兩二錢熟田二兩四錢道光八年奏定新漲灘地概歸繳價承買老糧告陞永行停止



道光十年重修賦役全書 靖江縣錢糧向遵全書在於折實平田上一則起科

通共折實一則平田四千七百五十九頃七十二

畝四分三釐五毫三絲平米四萬八千二百七十

八石七斗四升五勺每折實平田一畝科本色米

麥二升五合零 遇閏加米四抄四撮零 科折色銀七分七釐

九毫零 內科徭里銀七釐一毫零科地畝銀一分七毫零遇閏外加銀二毫零 每畝

攤徵人丁銀一釐三毫零共銀六百三十五兩八

錢三分二釐 遇閏加攤銀五絲一忽零 每畝攤徵雜辦銀四絲

四微零共銀十九兩四錢三分一釐

以上人丁田地雜辦通其額征本色米并麥改

米一萬三千九百五十一石四斗三升八合六

勺除挑廢米二十石八斗六升七合五勺節年

冬勘田地以陞抵切外實徵米一萬二千二百

三十七石四斗八升七合九勺 遇閏加米二十石三斗五升

九合額徵折色銀四萬三千六十二兩二錢七

分一釐內除挑廢銀六十三兩六錢及豁免鹽

課車脚銀六兩八錢六分六釐又豁免坍漲田

地額外加科攤帶銀六兩二錢八分二釐並節

年以陞抵册外實徵銀三萬七千七百六十二  
 兩九錢三分五釐 遇閏加銀一百五十兩九  
 錢九分七釐

咸豐七年清釐劉閏沙編造圩坵清冊

查沙洲田畝向例轉重陞科換給熟沙單但載段  
 名不列圩坵至是常鎮道喬憲嵩年檄飭齊侯在  
 鎔清釐勘丈並編造圩坵清冊丈見溢田酌分三  
 等繳價補買上等正田每畝繳價銀三兩六錢中  
 等掛田每畝繳價銀二兩四錢下等塌  
 田及担底田每畝繳價銀一兩二錢

同治四年重訂賦役全書編載平沙二田折實一則  
 平田共五千四百七十九頃二畝四分二釐

按上屆道光十年全書開載實在一則平田四  
 千七百五十九頃七十二畝四分三釐自道光  
 十一年起截至同治四年止節其陞增册廢按  
 數相抵實共陞增折實平田七百一十九頃二  
 十九畝九分九釐核與今訂數目相  
 符本年奉准普減一成漕額起科

每平田一畝減定科徵本色南恤并麥改米二升  
 三合一勺三抄九撮四圭四粟七稞三粒五黍  
 六稷六糠七粃一粃八禾共米一萬二千六百  
 七十八石一斗五升九合四勺 遇閏增徵米四  
抄三圭八粟八  
 稞一粒三黍七稷一糠五粃六粃八禾  
 共米二十二石一斗二升八合七勺  
 每畝原科編徵折色銀七分八釐一毫七忽二微

三織五沙四塵七漠五埃八逸三巡共銀四萬

一千七百九十五兩一錢四分四釐隨正七分

耗羨銀二千九百九十五兩六錢六分遇閏增

毫六絲九忽九微一纖八沙四塵九渺六漠七埃六逸二巡共銀一百四十七兩八錢八分九釐隨正七分耗羨銀一十兩三錢五分三釐

每畝原料攤徵人丁銀一釐一毫六絲四微八纖

三沙九塵九渺五漠六埃五逸三巡 共銀六百

三十五兩八錢三分二釐隨正七分耗羨銀四

十四兩五錢八釐遇閏加攤銀四絲五忽四纖八塵六渺六漠二埃一逸一

巡共銀二十四兩六錢七分八釐隨正七分耗羨銀一兩七錢二分七釐

每畝原料攤征雜辦銀四絲四微八纖五沙二塵

一渺五埃七逸二巡共銀二十二兩一錢八分

二釐隨正七分耗羨銀一兩五錢五分三釐

以上人丁田地襍辦通共編徵本色并麥改共米

一萬三千九百五十一石四斗三升八合七勺

內除挑廢米二十石八斗六升七合五勺節年

冬勘田地以陞抵棚外仍蠲缺米二十八石六

斗六升三合又同治四年奉准普減米一千二

百二十三石七斗四升八合八勺實徵米一萬  
 二千六百七十八石一斗五升九合四勺之遇閏年  
 加徵米二十七石二斗一升九合內除節年冬  
 勘田地以陞抵州外仍蠲缺米二石九斗五升  
 四合三勺又同治四年奉准普減米二石一斗  
 三升六合實徵米二十二石一斗二升八合七  
 勺

額征丁田襍辦等項折色原編舊額銀四萬三千  
 六十二兩二錢七分一釐又今屆續漲除歸足  
 原蠲外實陞增銀四百八十二兩五分一釐共  
 銀四萬三千五百四十四兩二錢二分二釐內

除挑廢銀六十三兩六錢又除乾隆七年奉  
 豁免鹽課車脚銀六兩八錢六分六釐又豁免  
 康熙二年坍漲田地額外加科攤帶銀六兩二  
 錢八分二釐實徵銀四萬三千四百六十七兩  
 五錢七分四釐隨正七分耗羨銀三千四十二  
 兩七錢三分遇閏之年加徵原編舊額銀一百  
續漲除歸足原蠲外實升增銀一兩九錢一分  
共實徵銀一百七十三兩六錢五分二釐隨正  
七分耗羨銀一十二  
兩一錢五分六釐

蘆課定則

通邑田畝向例平沙灘三則科糧順治四年奉蘆政  
巴公馬公盧公按臨清丈將新舊在冊水灘八萬  
一千畝折實沙糧共計派銀二千一百八十七兩  
歸併蘆課起徵時南宮侯選以靖從無蘆地課銀  
三申不允諸士民議於闔縣平沙灘田上均加應  
解九年訂造賦役全書高侯攀龍詳稱一灘難納  
二糧請於按院秦公題奉部覆該縣新漲灘田准  
工部咨歸蘆課民糧相應除豁等因隨將灘地摘  
出輸課不納大糧以平沙二則田畝派納地丁自

十五年始至康熙二年清察蘆政達公李公偏公  
臨縣勘丈以增抵減分爲六則熟田密蘆稀蘆灘  
田草地水灘起科計增銀三百八十兩二錢五分  
四釐五毫三絲四忽共課銀二千五百六十七兩  
二錢五分四釐五毫三絲四忽至康熙八年奉蘆  
政程公沙公金公清丈又奉蘆政趙公介公查取  
本縣開復原遷自來砥柱新開天福鶴洲五沙并  
概縣新增及坍沒灘畝勘明以增抵減分晰科則  
計畝增銀九百三十五兩三分五釐九毫九絲八

忽造冊達部刊入由單解辦

邑人朱鳳台清察蘆地工部達公李公偏公惠政碑記國家經制必籌其久大無弊者毅然行之而後可以垂之後世及於無窮至億萬年而不可易

今上允羣臣請各部寺錢穀盡歸大司農獨蘆課仍隸屯部其良法美意可深思而得之也蓋以其地濱江延亘數千里江水坍塌漲不定吏得上下其手因緣為奸民間或蘆地已沒而課存或豪強乘勢影占詭寄弊乃滋甚非履畝驗視不可而履畝驗視尤必得其人先皇帝欲釐飭久顧期任事者難其選未遑也今天子御極之元年特簡達公李公偏公單騎輕輶傳檄江南北預定畝尺約法簡嚴民不勞而事治達公天才軼羣多讀異書熟識古今事善翰墨文藝暇輒與諸生談說書史娓娓數千言不倦尤精布算每清丈所至甫舒繩設簞已默識其畝數多

享職悉昭合如神人不能言髮欺馬足一過即知其地邱陵阪險原隰高衍疇窪與水勢湍激崩坍淳折淤漲之故某所宜增某所宜減不啻如久游其地而熟諸之者李公偏公和易坦直與達公尤有同心元年五月至靖時溽暑大雨公雨立督丈一日畢役晚宿止郊外即行不欲入城市分毫不以費民間且靖指難派課與上江科額不同上江例分三則靖獨渾為一無中下差等辨以此望釐正尤亟公分其輕重定為六人則無不允協輿情問邑歡然若更生咸手額三大人生我相率奔告子謀樹之穹碑以表公德

公澤殊屋也予惟公膺天子簡命成賦中邦底恤之則爰及萬世靖邑何能私公念邑貧瘠殊甚屢又刁悍好訟爭譁張為幻傾陷人賴公持法嚴如秋霜人不敢犯霽色和煦又坐人春風中無不懽服感化革面奉法後之徵輸賴公無苦民易報最庶幾不忘今日裁定之勞為訓將來於激勸不無小補云達公諱某號某

滿洲人李公諱縉明號仲卿已丑進士山東章邱縣人偏公諱某號某遼東人時同事承上惠下克勸有成邑司牧

王公之力也

邑人朱徵蘆洲行江岸蘆洲舊賜田向來不入水衡錢自從高議增新課奇貨頻年在水邊水邊清占茫無據闌入沙鷗眠處去旁舍爭來索鏹餘額糧還帶潮聲沸少府能添粟幾何連荒橫派起重科縣官那問千家哭奏最偏爭報冊多安得秦皇鞭石手鞭驅華嶽填江口到處開沙歲十干好趁金錢日盈斗

邑之蘆洲漲坍不一康熙十八年清丈各段蘆課田

畝共熟田五萬六千七百二十畝七分七釐七毫五絲一忽該銀四千五百三十七兩六錢六分二

釐四絲八微密蘆地八百一十一畝五毫該銀四十八兩六錢六分三毫稀蘆地六百四十九畝二分二釐六毫五絲該銀二十五兩九錢六分九釐六絲灘田七千八百四十九畝五分三毫八絲該銀二百三十五兩四錢八分五釐一毫一絲四忽草地一萬二千三百七十二畝八釐四毫一絲五忽該銀一百八十四兩六錢九分二釐六絲二忽二微五纖水灘一萬二千七百五十六畝一分一釐四毫八絲該銀一百二十七兩五錢六分一釐一

毫四絲八忽二十一年共額徵課銀五千一百五十九兩九錢四分六釐九毫一絲五忽五纖按年解辦嗣後每屆五年清丈濱江腹地漲坍增減不一至道光十六年通共濱江腹地二項實在各則蘆洲九萬九千八百五十三畝四分二釐六毫一絲九忽

熟田九萬五千三百四十八畝三分九釐九毫一絲六忽每畝科銀八分共銀七千六百二十七兩八錢七分一釐九毫三絲二忽八微埂剝二千一百

十七畝八分七釐二毫每畝科銀二分共銀四十二兩三錢五分七釐四毫四絲

密蘆二百二十四畝三分六釐四毫每畝科銀六分共銀十三兩四錢六分一釐八毫四絲

稀蘆一百九十八畝一分五釐九毫每畝科銀四分共銀七兩九錢二分六釐三毫六絲

灘田七十七畝六分六釐一毫每畝科銀三分共銀二兩三錢二分九釐八毫三絲

草地一千五百五十二畝一分一釐五毫八忽每畝



科銀一分五釐其銀二十一兩二錢八分一釐七毫二絲六忽二微

水灘三百三十四畝八分五釐五毫九絲五忽每畝科銀一分共銀三兩三錢四分八釐五毫五絲九忽五微

通其實在課銀七千九百二十兩五錢七分七釐六毫八絲八忽五微

同治八年改定蘆洲丈期

查靖邑蘆課田畝向例五年一清丈漲則告陞則告豁嗣撫憲丁公日昌奏明蘆洲田地改定

十年一清丈勒石通衢

戶口

明成化八年戶七千九百八十九口三萬六千九百

五十一邑建於成化七年逾一年而戶口冊始定故自八年始

一十八年戶八千六百二十一口三萬九千九百三十

二宏治年戶八千三百二十一口三萬九千三百六十

正德年戶八千七百三十六口四萬一千五百九十

四

嘉靖年戶九千五百四十二口四萬七千三百五十

七

隆慶年戶九千五百一十四口四萬七千七百七十

一

萬曆年戶八千六百二十九口三萬三千四百六十

五

國朝順治年原額戶口人丁二萬八千四百八十一

丁

內除鄉紳舉貢生員優免八百二十二丁奉文止  
免本身一丁除吏承不免外實免四百六丁外存  
四百十六丁除徭里人丁起科查紳衿間有  
陞遷事故難以額定每年由單內增減報部

編審新增人丁二百八十四丁

編增人丁一百五十六丁

不免供丁一百五丁

實在當差人丁二萬七千六百五十九丁 每丁科徭  
里銀二分

九毫九絲九忽四微七  
纖八沙八塵一漠六埃

康熙十一年編審新增人丁二百一十四丁

二十年編審人丁二萬八千九百二十一丁

二十五年編審人丁二萬九千八百一丁

三十年編審人丁二萬九千八百四十九丁

按五十二年三月十八日欽奉上諭自後編審之期察出增益人丁止將實數另造清冊奏聞其徵收錢糧但據康熙五十年丁冊定為常額續生人丁永不加賦欽此

乾隆三十年戶口仍前另審永不加賦人丁一十二萬二千二百一十四丁

三十五年戶口仍前另審永不加賦人丁一十二萬一千三百二十五丁

按三十七年奉旨嗣後編審之例着永行停止

四十年實在人丁一十三萬六千六百九十一丁

四十五年實在人丁一十三萬九千八百五十七丁

五十五年實在人丁一十五萬六千四百四丁

道光十八年實在人丁二十一萬六千三百四十六丁

同治四年冊報節年滋生實在人丁二十四萬四千

三百一十丁

原額充餉當差人丁二萬九千七百五十一丁

每丁征銀二分一釐三毫七絲一忽其應征銀七微八纖五沙八塵四渺五漠八埃

六百三十五兩八錢三分二釐隨正七分耗羨

銀四十四兩五錢八釐 遇閏加徵銀二十四兩六錢七分八釐隨正七分

分耗羨銀一兩七錢二分七釐  
節年冬勘均歸田畝項下造報

款目

國朝康熙九年原編本色協濟淮壽鎮三倉麥二百

三十九石三斗六升四合有奇

協濟揚州倉米一百三十七石六斗五升四合有奇

解南省會白糧正耗夫師米一千六百八十石八斗

一升七合有奇

常屬各營兵餉糙米一萬一千一百二十五石四斗

二升四合八勺有奇

孤貧米二百八十八石 遇閏加米二十四石

原編折色起運銀二萬九千二百八十七兩一錢六

分六釐有奇

辦料銀十二兩四錢一釐二毫

協濟外府併驛站銀一千八百二兩七錢一毫

存留俸廩等銀六百六十九兩七錢二分

光祿厨役銀二兩四錢

江南省衛兵餉銀六千二百六十七兩四錢一分二釐有奇

各官柴薪役食雜項等銀三千九百八十四兩一錢

四分九釐

此項係裁減數目康熙八年奉旨復照原額九年奉行

輪編府縣宴待應試生儒花紅等項每名給銀四兩

二錢八分二釐

遺才生員每名盤纏銀三兩

新中舉人每名牌坊等銀一百五十五兩二錢

新科進士每名牌坊酒席等銀一百二十四兩

新科武進士每名牌坊銀五十兩

舊科武舉會試每名路費銀十八兩

新科武舉會試每名路費銀二十四兩

舊舉人會試每名盤纏酒席銀三十兩

以上每科名數多寡不同難以預定至期照名編補

本府考貢生員盤纏長夫牌坊等銀二十四兩

本縣考貢生員盤纏長夫牌坊等銀六十兩

右計輪編十款郡人李公兆洛謂宜併入儒學俸工條內第彼係存留此歸輪納似應各從其類况乾隆四十四年新編上八款已裁僅存末二款銀數亦從減不符今仍鄭志全載者以原編曾有此

各款也

雜辦門攤課鈔銀六兩四分五釐解費銀一錢二分

九釐 遇閏加正銀四錢七分五釐解費銀九釐

五毫

漁課銀八兩五分九釐解費銀一錢六分一釐一毫

八絲 遇閏加正銀五錢八分八釐有奇解費銀

一分一釐有奇

匠班三十一名徵銀十三兩九錢五分解費銀二錢

七分九釐

道光十年新編本色解蘇松道米六百八十五石一

斗五升七合

揚州倉米除挑廢實該米二百七十八石四斗八升七合八勺

淮安倉麥改米除挑廢實該米一百七十三石六斗一升三合三勺

壽州倉麥改米除挑廢實該米四十八石三斗三升一合六勺

鎮江倉麥改米除挑廢實該米一百八十四石七斗二升四合三勺

解江安道額撥漕項行月米四千二十二石三斗八

升四合

此款係解南糙粳南米內撥出

解省倉項下額撥官俸米四十石二升九合五勺南米

項下一併撥  
派兵糧之用

解鎮江府京口駐防官員俸米六百十八石

解丹徒縣場倉月糧米六十四石九斗八升二合七

勺

解南白粳正耗春辦省倉歸南米除挑廢實該米一

千八十二石二斗二升二合五勺

解南糙粳正耗并丈增恤孤餘剩充餉除挑廢實該

米七千二百二十八石六升五合 遇閏加米五

石二斗三升三合九勺

本縣存給孤貧口糧米二百二十八石九斗六升

遇閏加米十九石八升

以上自解南白粳米起至恤孤丈增充餉止除挑  
廢米及節年冬勘田地蠲免實徵米一萬一千三  
百二十三石三斗七升九勺內除京口官俸江安  
糧道丹徒縣行月等米實存撥兵米六千六百十  
八石四合二勺 遇閏除冬勘蠲免  
實徵米二石二斗七升九合六勺

新編折色解布政司衙門銀三萬六千五百九十兩

一錢八分七釐 此係起存地丁額編兵餉并外省  
馬役扣回驛站及清丈陞增優免

田糧人丁雜辦各項自乾隆三年考訂以前各案  
裁扣充餉至三十年後續裁

文廟祭祀香燭餘剩充餉共銀三萬九千七百九  
十七兩二錢八分三釐 遇閏加銀八十五兩六

錢三分  
五釐

均給孤貧柴布不敷銀二十三兩四錢七分五釐

遇閏加銀二兩五錢三釐

以上起存新舊奉裁除抵給孤貧不敷又除挑廢及奉豁額與加科攤帶冬勘蠲免田地並額撥漕項歸入江安糧道項下開列外實該銀三萬四千三百三十七兩九錢六分七釐 遇閏加銀六十二兩三錢一分七釐

起存地丁扛銀除挑廢實該銀四百三十兩七錢六

分三釐

解蘇松道漕項銀七百零二兩一錢二分一釐

揚州倉米除挑廢折銀二百二十三兩三錢七分二釐扛銀三錢三分五釐解費銀四兩四錢六分八釐

揚州倉麥除挑廢折銀八十一兩五錢五分七釐扛銀一錢二分二釐解費銀一兩六錢三分

淮安倉麥除挑廢折銀七十四兩一錢七分六釐扛銀一錢一分一釐解費銀一兩四錢八分二釐

壽州倉麥除挑廢折銀一百八十四兩八錢一分二釐扛銀一兩一錢九釐解費銀三兩六錢九分六釐

鎮江倉麥并增編麥草除挑廢折銀九十六兩五錢三分九釐解費銀一兩九錢二分六釐

鎮江衛淺船料除挑廢實該正銀二十六兩二錢六分一釐解費銀五錢二分五釐

解江安道漕項銀四百七十一兩五錢四釐



鳳陽倉麥除挑廢折銀三百一十六兩三分五釐  
扛銀九錢四分八釐解費銀六兩三錢二分一釐  
釐地丁內額撥漕項  
銀一百四十八兩二錢

解浙江鹽運司車珠銀六兩八錢六分六釐

本縣存留俸工并祭祀雜支等項除挑廢實該銀

一千八百二十兩五錢八分遇閏加銀八十八兩

六錢八分

一知縣項下 俸銀四十四兩九錢三分二釐門子二  
名工食銀十一兩九錢八分二釐遇閏  
加銀一兩皂隸十六名工食銀九十五兩八錢五  
分四釐遇閏加銀八兩馬快八名工食銀一百三  
十四兩一錢九分六釐遇閏加銀十四兩三錢民  
壯三十名工食銀二百三十九兩六錢三分六釐

庫子四名工食銀二十三兩九錢六分四釐遇閏  
加銀二兩斗級四名工食銀二十三兩九錢六分  
四釐遇閏加銀二兩轎傘扇夫七名工食銀四十八  
兩九錢三分六釐遇閏加銀三兩五錢禁卒八十  
名工食銀四十七兩九錢二分七釐遇閏加銀四  
兩舖兵九名工食銀六十四兩七錢二分七釐遇閏加  
銀五兩四錢九分二釐修理倉監  
銀四兩九錢九分二釐

一縣丞項下 俸銀三十九兩九錢三分九釐門子一  
名工食銀五兩九錢九分一釐遇閏加  
銀五錢皂隸四名工食銀二十二兩九錢六分四  
釐遇閏加銀二兩馬夫一名工食銀五兩九錢九  
分一釐遇閏  
分一釐遇閏  
加銀五錢

一典史項下 俸銀三十一兩四錢七分二釐門子一  
名工食銀五兩九錢九分一釐遇閏加  
銀五錢皂隸四名工食銀二十三兩九錢六分四  
釐遇閏加銀二兩馬夫一名工食銀五兩九錢九

分一釐遇閏  
加銀五錢

一巡檢項下 俸銀三十一兩四錢七分二釐皂隸二  
名工食銀十一兩九錢八分二釐遇閏

加銀一兩弓兵三十名工食銀二百八兩  
四錢八分四釐遇閏加銀十七兩四錢

一教諭訓導項下 俸銀共七十九兩八錢七分九釐  
廩生二十名糧銀七十九兩八錢

七分九釐遇閏加銀六兩六錢六分七釐膳夫二  
名工食銀十九兩九錢三分七釐遇閏加銀三兩

三錢三分三釐齋夫三名工食銀三十五兩九錢  
四分五釐遇閏加銀三兩門斗三名工食銀二十

一兩五錢六分七釐  
遇閏加銀一兩八錢

一文廟 春秋祭祀銀四十八兩一錢二釐香燭  
銀三兩五錢七分四釐遇閏加銀六分

一武廟 三次祭祀  
銀六十兩

一文昌廟 春秋祭祀  
銀四十兩

一火神廟 常雩禮祭祀銀二  
兩一錢八分九釐

一社稷壇 祭祀銀十兩九  
錢四分七釐

一各專祠 祭祀銀八兩七  
錢五分七釐

一厲壇 祭祀銀三兩二  
錢八分四釐

一鄉飲 酒席銀除挑廢該六  
兩九錢八分九釐

一祈晴禱雨 銀除挑廢該二兩  
三錢九分六釐

一孤貧八十名 柴布銀除挑廢該一百三兩三錢一  
分八釐遇閏加銀二兩五錢三釐

一本府公館 門子工食銀除挑廢該二兩五錢九  
分六釐遇閏加銀二錢一分七釐

一府巡鹽民壯八名工食銀除挑廢該五十七兩五錢一分三釐遇閏加銀四兩八錢

一渡江夫二名工食銀除挑廢該十四兩三錢七分八釐遇閏加銀一兩二錢

一聽差夫皂十二名工食銀除挑廢該四十三兩一錢三分五釐遇閏加銀三兩六錢

一鄉試提取謄錄生工食銀除挑廢該一兩三錢三分一釐

一本府總書造冊紙張銀除挑廢該七兩九錢八分八釐

一科場席舍銀除挑廢該六兩一錢六分三釐

一武場公用銀除挑廢該四兩九錢九分二釐

一本府歲底新書節炭銀除挑廢該九兩九錢八分五釐

一本縣歲底新書節炭銀除挑廢該五兩九錢九分一釐

一本府各官賁繳勘合關領時憲書銀除挑廢該九兩九錢八分五釐

一本縣新官蒞任公宴祭祀銀除挑廢該十三兩二錢九分八釐

一本府歲貢坊儀銀除挑廢該十一兩一錢八分三釐

一本縣歲貢坊儀銀除挑廢該二十七兩九錢五分八釐

一會試舊舉人盤纏銀十九兩此款於會試之年照通省文武舉人名數統算均派

一本刻有...  
一本刻有...  
一本刻有...  
一本刻有...

Blank text area with vertical lines.

